


湖廣通志

自卷六十八  
至卷六十九

|        |        |        |        |
|--------|--------|--------|--------|
| 庫      | 文      | 閣      | 内      |
| 西<br>函 | 三<br>九 | 六<br>九 | 漢<br>書 |
| 架      | 冊      | 號      | 類      |

|        |        |        |        |
|--------|--------|--------|--------|
| 庫      | 文      | 閣      | 内      |
| 西<br>函 | 三<br>九 | 六<br>九 | 漢<br>書 |
| 架      | 冊      | 號      | 類      |
| (五八五五) |        |        |        |

|      |           |      |
|------|-----------|------|
| 内閣文庫 |           |      |
| 番號   | 漢         | 3969 |
| 冊數   | 692 (485) |      |
| 函號   | 291       | 97   |



綴じ部(喉部分)の文字等が開きが不鮮明な場所あり

湖廣總志卷第六十八

宦蹟十三 國朝

淺草文庫

國朝方勉字懋德歙人正統初任湖廣按察僉事詣五

邊務會同守將張善撫勦八蠻上言便民二十

二事悉從之

崔恭字克讓廣宗人正統元年進士授戶部主事有能

譽楊文定公薦知萊州府萊大旱蝗捕蝗發賑乞免下

邑逋租又辨疑獄人稱神明奏課為天下最歷遷湖廣

布政使盡革諸冗費及和市苗民侵武岡督餉訓民兵

勦賊賊皆聽撫公安監利流民相殺恭曰勿急急且夫

湖廣總志  
變下令流民願附籍者聽否且俟秋成遣歸衆遂定歷  
陞南京吏部尚書卒贈太子少保諡莊敏恭寬平坦易  
中無芥蒂好善惡惡出于天性臨事剛而不亢柔而不  
褻其在吏部慎惜人才獎掖後進廉靖自居人知嚴憚  
羅篋字應韶南昌人正統乙丑進士授監察御史歷陞  
都御史巡視湖廣時蠻獠並叛篋會總兵官李震遣人  
諭以威德卽率兵擣其巢穴大破之歲饑發賑民困賴  
甦上言時政數事召入掌院卒所著有知菴集

白圭字宗玉南宮人正統壬戌進士授監察御史歷陞  
都御史巡視湖廣務存大體入爲兵部尚書加太子太  
保有征劉千斤功卒贈少傅諡恭毅

侯進澤州人宣德丁未進士授行人遷兵部主事正統  
初虜寇甘肅命往會官討之申竣委調湖廣兵馬同尚  
書王驥征麓川進禮部侍郎討平貴州蠻獠陟兵部尚  
書

宋欽蒼梧人正統中擢湖廣叅議值麓川亂命尚書王  
驥征之欽督運糧餉不避艱險於辰沅清浪鎮遠山行  
乘騎又乘小舸艚船往安江洪江苗賊要害至盧溪被  
賊遮留欽率兵挽弓揚矢迎敵厲聲歷數其罪詞氣壯  
烈賊不敢逼

李實字士誠合州人正統壬戌進士授禮科給事中歷陝都御史巡視湖廣振綱紀樹風教綜理微密已已也先入寇英皇北狩實上言奉迎卽以爲禮部侍郎往虜幙持正善辯乘輿卒返于龍沙事見香泰錄

陳安字靜簡新建人正統丙辰進士授大理寺副擢湖廣左叅政歷遷左右布政使安沉靜守已寬裕待物故能久在位而人亦多被其澤

駱敏字士聰湖口人正統壬戌進士歷擢湖廣按察僉事時宗室多故敏疏以聞召還爲祭酒辭不就

項忠字蓋臣嘉興人正統七年進士爲刑部主事陞員

郎中擢湖廣按察副使累官都

民入山者九十萬人李胡子劉子...出總督軍務遣人持榜入山諭降...服縱兵勦

不赦凡遣還鄉者四十萬人謫戍者...人上便宜十事詔暫留撫治進...

田言官因論荆襄妄殺忠再跪...國任怨乞歸

不許成化八年又討平野王剛...工繁爲刑部尚書

公收斬故三十餘年賊不逞...忠明果儻練達

改兵部尚書卒贈太子太孫...宣

史事悉體民隱職  
錫皆舉進士  
正金  
不屑詭隨子綬孫

應顯字文明淳化人正統

進士授監察御史已巳

之變聞礦寇亂命往捕之擢

事時都御史項心羅篋知其

變黃強委築沿江堤及撫荆

轉福建參政

成始終字敬之無錫人正統已巳進

御史已巳之  
言兵案判關

受丁人戶監察

廣日錦江船海嶽軒善吟詠所著有澹軒集倪文僊

表其墓

畢鸞字冲霄井陘人正統壬戌進士授監察御史擢湖

廣右叅議督運糧餉克濟邊儲以勞勩聞

劉景大庾人永樂壬辰進士授刑部主事轉郎中奉

勅巡視萬全正統中大學士楊榮薦知荊州府勸農興

學均賦簡訟會遼藩不靖景疏之逮繫爭白仍令復任

以憂去老幼懇留詔奪情復任在郡凡十四年卒于官

民肖像立祠祀之

河源字本清陝西涇州人正統中舉人由文安知縣歷

擢知襄陽府天性敦朴行已不妄在任脩學宮築大堤更漢江驛于城西勦叛逆于鄖漳山中全活人民甚衆立峴漢同清碑每事務以愛民爲本民亦愛戴之如父母卒塋于襄之百丈山子孫因占籍焉

郭綸華亭人正統間任應城教諭治書庠士習書傳自綸始今從祀上蔡先生祠

馬祥汲縣人正統初以賢良方正辟任廣東按察司照磨時布政劉永清以祥薦擢知石首縣公平仁恕吏畏民懷興學勸農凡公解譙樓倉庫傳舍堤圩之類靡不備葺百廢具興以父喪去任百姓涕泣載道如失父母

秦請保留

毛祥河南西平人由進士正統五年知京山縣清心蒞政節用愛民時縣丞易緯亦能撫字父老相傳云毛祥在任僚幕得人後歷六十年僚幕鮮有任滿如緯者祥陞岳州府知府官至右叅政

韓陽山陰人正統中任湖廣提學僉事公廉靜正善作士類諭諸生出入必巾服會武昌劉生有學行家貧被火爲營其居時助薪米居楚數年文物丕變恩義洽浹多所成就士人懷之

吳迪正統初知澁浦縣政令嚴肅恩惠並行脩築陂堰

至今民賴其澤以疾卒于官百姓無不感泣者

葛詡正統中沅州學訓導嚴重寡言學問醞籍秩滿拜

監察御史陞湖廣按察司僉事有廉幹勤能之譽

席貴正統中任沅州同知居官九載廉而不苛寬而有

制民不忍犯吏不敢欺歷陞成都府知府

徐亨仁和人正統中知茶陵縣抑強扶弱卓有風裁歲

荒歛募民之富而義者得穀伍千餘石并出官帑設方

賑之多所全活又奏減田租民用不匱道澤在人歷歷

可紀

鮑旭字景升池州人正統鄉馬知興國州治民以慈

為本民有冤抑者急為伸之常脩常平倉六所得節止

納數年郡頗殷富水旱不為災朝天堤圯築以建石

字于其上人名為鮑公橋至今存焉

龍敬嘉興人正統中知羅田蒞政嚴明已廉介壇壝

而舍祠廟皆其建置一時賢令稱八最士民致屋去

思

俞戒昆陵人大學生正統中知公安縣清介有志節性

尤簡易自奉甚約播賦剝削貢獻之數區畫詳盡奉奉

以愛民為心民亦愛之謂數十年來未有如雍者

張愷寧波人大學生正統中知江陵縣興學校建公署

革弊釐奸吏民畏服陸工部主事祀太守劉公祠

陳詢字汝同華亭人由進士正統間以侍講學士調知

安陸州蒞政有節志古學惠愛在民久而不忘後陞

國子祭酒

陳禧上虞人正統中同知荊州府事蒞政詳植臨事有

瞻畧常領兵隨大將征貴州有戰功人所難及迄今稱

之

王維泰和人正統中知巴陵尚節槩勤政事強植弱

與利去害多所樹立百姓畏而愛之致仕卒于家民有

立碑傳其德者

翁世資莆田人正統中以工部侍郎謫知衡州府革

弊敦漓俗決疑獄脩石鼓書院置便民倉衡帥誣其怨

望逮繫事白復任仕至工部尚書

戴浩鄞縣人正統中知永州府興學校勸農桑謹權量

明禁約平物價善政歷歷可紀苗夷竊發安撫備至復

委僚屬率民壯團練兵戎以防不虞賊不敢肆民得耕

種一時留心政教未有如浩之切者立碑紀績至今不

泯焉

王敬涪州人正統中知邠陽縣性侃直不阿屈視民事

如其家事務垂求义民有買田宅者必執契驗印以杜



海原縣志 卷之三十三  
爭擾自是詞訟日減邑民多感化焉

馬思敬四川人正統中知安化縣存心仁愛視民如子

民亦不忍欺秩滿奏留復任十三年上下相孚如一體

去之日泣送者不絕于道祀于名宦祠

樂慳性度豁達讀書閑韜畧正統中以征麓川陞指揮

使蒞政明恕有才愛恤軍士威惠兼至興利除害合乎

矩度群夷畏服谿峒寧謐脩葺城池學校廟宇卒衛人

思之立祠尸祝

王士華鄞縣人正統中以工部員外郎駐華容築圩四

十餘堤百五十圩王公堤懇田數萬頃九載績成水旱

罹亨指揮僉事正統中以征蒙顧及麓川功累遷指揮

使後復征麓川偕其弟戰死 朝廷遣官諭祭

趙弼巴陵人正統中漢陽縣教諭飽學問善訓誨所著

有通鑑雪航膚見效舉行于世

余清巴縣人正統中知黃州府持廉秉公政平訟簡軍

民畏服比卒囊無餘貲黃人賻之歸冰蘖之操至今稱

頌

王坦字子平鄆城人正統中知蘄州勤慎有守政尚寬

平興學敬賢始終如一脩舉廢墜政教聿新人心允服

莊轍字中與上元人進士爲秀水令正統初擢知蘄州  
廉介仁惠百務具興民樂于從事劇盜逼境民有被殲  
者極爲優恤咸愛戴之

郭休字士美萬安人正統中同知德安府事操履端正  
務以德化民尤精于易學諸士多從之講論孜孜不倦  
卓有樹立

陳敏之錢塘人正統二年由進士知潛江縣處已儉約  
臨政寬和尤篤意于學校後陞南康知府

陶安高昌人正統明知平江縣善於撫字視民如子  
薄賦貧民多所賑恤士民哀慕不已

劉本海陽人正統中知永州府持身清潔御下嚴  
政以振綱紀厚風俗爲首務且好善忘勢綽有古風士

民稱頌

盛祥丹徒人正統中知道州穎敏博學耿介不阿扶善  
抑強勸農興學庶政聿興吏民畏服

唐榮正統中知新寧縣時縣治燬於兵燹榮奏徙今治  
城池壇廟學校道路皆其創造百廢具興規畫咸當功  
蹟著聞

潘衡正統中知潞浦縣志慈仁蒞官勤慎扶植良善  
鋤抑豪強時稱良牧

周濠奉化人正統中知永興縣濠政公廉愛民如子民  
不忍欺暇則訓誨諸生多所薦迪以文學飾吏事俗彬  
彬向風累官提學副使

呂文延津人天順初知潛江縣奉公勤勵臨政嚴簡當  
道多器重之吏民信服陸沔陽知州

戴琰沔池人天順初知鄖縣賦性誠篤為政有方吏不  
敢欺以廉能著聞四境寧謐

韓璟寧德人天順中知湘陰縣開闢荒穢勸民耕種積  
穀以備不虞天旱躬勤祈禱甘雨隨降歲乃大熟民全  
活者甚眾璟蒞任數年善政在人至今稱之

林廷贊象山人天順中知永興縣剛正自持弗憚權勢  
臨民愷悌平易處事詳慎周密有古循吏風治行為當  
時第一

劉永太湖人天順中知會同縣性剛直捐潔不苟取與  
居官敏捷應變剴劇卓有治才當道屢薦之

程翰望江人天順中知會同縣廉公律已平易近民發  
奸擿伏無有遺其情者建立學宮公署壇壝倉舍民不  
告勞而百廢具舉

廖仕字國卿梧州人正統中知宜城縣遠讒佞革吏弊  
脩塘堰簡詞訟政今日新境內泰息民安既去宜人思

之不忘

王斌瓊山人正統間任龍陽縣丞存心愛民嘗脩圍堤不辭勞瘁務為堅厚以保障民田百姓歌於塗曰王父母築圍堤民樂業我無飢勒於石迄今存焉

古初末川人正統間任麻陽縣主簿勤勞清慎甚得民心清水苗叛捍禦死難城保無虞入祠崇祀

袁均哲字庶明建昌人正統初知郴州先為海陽教諭因尚書魏驥薦陞任焉為人有幹局剖訟明決操履清慎境內解宇祠廟橋舖之類多其遺蹟官績刻郡志至今傳焉

楊鏐昆明人正統年歲薦知華容縣忠信慈惠興學勸農奏築四十八坑政務脩明士民悅服始華容困于水患國初苦稅額歷張瓚何宗陳忠憲奏蠲之後白整撫字二十餘年流民悉歸土至鏐申嚴教養巨細畢舉諸坑既脩水患斯絕迨正德間坑防始圯塌迄嘉靖蕩然矣鏐以正統戊辰卒于官今幾百二十載稱賢令者必以楊公為最

劉敷字叔榮永新人景泰辛未進士授監察御史擢湖廣按察使累官都御史巡撫湖廣時荆憲分封營造日滋民財日詘有中官至常德催金敷極言其弊靖州苗

叛率兵討平之會同都御史源傑議處荆襄流民悉中  
機宜陟右都御史卒

吳琛字與璧繁昌人景泰辛未進士授監察御史率同  
官糾權貴謫遷安令會天變復職擢大理丞進僉都御  
史荆襄歲旱盜起命琛巡撫兼賑濟不憚險遠遍歷遐  
陬召父老而咨詢之廉官吏而黜陟之究淑慝而興革  
之酷暑不張蓋山嶠不乘輿夜宿于草次凡一百五十  
日遍歷十府九州七十二縣二十五衛十四所為程萬  
三千餘里黜文武官僚三百餘員問譴胥吏贓罰六百  
六十餘人威惠並行華夷咸震後陟右都御史巡撫兩

廣

周晟字德明安陽人景泰甲戌進士授刑部主事出守  
永平超遷湖廣叅政雖南北殊風晟酌勢權情值斷苗  
大旱屏騶却輿雨大降遷江西布政全具蠲命之平  
何喬新字廷秀廣昌人景泰五年進士為刑部郎中孤  
介嚴冷持法平即執政莫可撓奪累遷湖廣布政使為  
政以寬不阿權貴凡國儲盈縮民財豐耗畱情會計會  
荆襄大水漂于家民饑為均賑平徭列之等授役尋陞  
副都御史終刑部尚書江西巡撫林俊論喬新文行政  
節應謚法得謚文肅公守官清慎律已方整博學精法

律敏于吏事事無難易夷險不避嫌怨必行其志

錢昕字景寅常熟人正統乙丑進士授監察御史出守  
荊州律已廉愼遇事敏決江陵潛江水大漲乃築黃澤  
堤以扞之長亘幾千里暇則課諸生獎進之多知名士  
景泰中超遷湖廣布政使

張綱字大振長清人景泰中授監察御史劾奏曹吉祥  
有直聲巡視湖廣總兵李震餽以千金具疏論之名節  
尤著

吳智字寵哲莆田人景泰二年進士授南京戶部主事  
歷陞湖廣提學副使敦行檢嚴條約師範端嚴士皆不  
受尋引疾歸高風勁節當世推重

楊瑒字朝用泰和人景泰中任湖廣叅議撫治荆襄築  
老龍堤疏竹筒河及剡剡家隔雷峰切諸要地至今賴  
之

李清字希憲上海人景泰甲戌進士伯璵之子也伯璵  
著文翰類選清幼誦之甚悉居官清謹尚書姚夔稱其  
為真君子始宦南京刑部主事轉兵部終湖廣布政使  
唐瑜字廷美上海人景泰辛未進士授南京禮科給事  
中出守金華擢湖廣左叅政分守荆襄置廩儲穀遇旱  
發賑撫綏均房流民咸遂其願荆湖大水挽舟載米濟

之水退築堤民賴其利後遷雲南布政使都御史卒大學士王鏊表其墓

洪弼字士直嚴州人吏部侍郎璵之姪也景泰二年進士授監察御史擢湖廣按察僉事通常德辰沅饑都御史白圭檄弼賑濟募民分粟仍給牛種多所全活靖州徭叛弼設畫經畧擒其首惡餘黨悉平賜金綺有差遷福建按察使

周鐸字秉訓江西萬安人進士景泰三年以刑部郎中陞授德安知府公勤廉慎興學育才深得人心九年滿云鄙人思之立碑于學後遷陞西台參政華東左

政使

謝省字世修黃巖人景泰甲戌進士授兵部員外郎出守寶慶政尚仁恕興利革弊扶弱鋤強吏民敬畏書真德秀四事十害爲僚屬戒上言民隱十事春秋行郊野勸耕省歛或給耕牛其不率者裁之以法出帑羨市地以拓學宮訓迪俊髦所屬廟學悉新之革去佛老闡明禮法三年政舉教行民安俗易時推循良第一後乞教職再乞養疾皆不許尋以考績去士民追思立祠祀之今配享濂溪先生

顧震臨淮人景泰初知安陸州政尚嚴肅事集而民不

授凡百脩舉務在與民休息蒞任五載陞順天府治中  
去

朱輝豐城人景泰中任安陸學正性剛介行篤學復嚴  
于師道教人以孝弟節義為本雖貴遊子姓不少假借  
采脩之禮拒而不受至夜則省諸生號舍令誦讀七年  
不倦尋以病卒于官諸生無不號泣為經紀其喪事

徐泰字士亨江陰人景泰間劉文介公主順天試取泰  
第一時宰以子下第誣之上命覆試連中知羅田縣  
居官清白仁恕教民務農四郊俱創便民倉以為凶荒  
賑濟之備又慮轉運水次多艱買斬水巴河地一所置

大朝

濟浦人先任工部侍郎

今以桃符為却邪不祥疫患隨息且勞來安集政教並行  
去後民思之祀于名宦祠

楊威字廷振河南河內人天順間由監生知石門縣守  
廉潔立心公恕勤恤扶病入信服之營建學校公署  
無不盡心信水旱災賑恤二水以濟民志誠所感云

楊崇壽人由御史大夫順天府府尹宋本大署設施  
措置無遺無遺道建置

楊崇壽人由御史大夫順天府府尹宋本大署設施  
措置無遺無遺道建置





元亮湯陰人景泰初知襄陽府誠心蒞政深知民隱廉而不苛實而有制十縣之民感恩懷德從容持殂應事寂然

譚銓貴州人景泰初知邯鄲愛民守已興學作人歷九年刑清政舉民爲立碑紀績至今存焉

卞同漢陰人景泰中知東安鯁介不阿蒞事勤敏學宮舊在城外士稱不利同主議力徙之任勞不懈自茲文放事興厥功甚鉅立碑紀績至今不泯

王矩山西平陽府石樓縣人景泰中知辰州府剛方有行正直不阿性盡心民事而尤拳拳于學校病間有私饋金者矩曰吾平生無私今不能慎厥終豈全歸乎却

之堅比卒囊橐惟書籍數卷而已閩郡士民莫不傷悼至今猶稱頌之

張蓋南溪人景泰初知京山縣爲人正大公平處事周慎興學校治豪猾杜絕私門苞苴不入值歲荒歉積穀萬餘石盡發賑之貧民全活至三萬餘口士民立碑誦德

陳灝平陽人景泰中知咸寧縣操履端潔蒞事剛明愛民如子視官如家新學校創壇壝葺公署民不知勞凡百施舍不事表暴去後民恒思之

王原覲定海人材識明敏平恕近民景泰中脩建祁陽城開誠當事區處曲當迄今民受保障之功者皆覲之力也

張敷華字公實安福人天順甲申進士選翰林院庶吉士授兵部主事累遷湖廣左布政使歲大饑給粟散粥藥病瘞骸增價致買告糴脩學進右副都御史歷陞南京刑部尚書李文正公銘其墓曰學有規矩必先自治矩以治物物莫我違違或在物用亦有時一我或曲又何物為公辭禁垣出就任使身所自植不莠桑梓亨衢平平軻發伊始式占厥終曰固在此公在藩邦蘇操水

心公存憲府我戒不備  
人皆內歛狂瀾既奔有砥  
紛仕途疇直疇屈行或我  
不沒

戴珊字廷珍浮梁人天順甲申進士成化三年以御史督學南畿十四年以副使督學陝西窮鄉下邑無不至約束堅明風雨不爽弘治元年累進副都御史撫治鄖陽諸府豪右多窟流聚而利珊刻日令自首嚴練兵伍自製為營陣法對恣野士剛越境入竹山平利諸縣守臣畏罪莫敢發珊請令刈陝其首惡縱脅從千餘

人事遂定四年陞刑部侍郎部評荆晉兩王府獄明免  
九年陞南京刑部尚書十三年改左都御史益自檢飭  
務持風紀雖簿書之細必極精覈上親鞫大獄諸司  
震悚珊從容應對時有開折天威頓蹙上知珊清慎  
每廷宣接膝面咨至移晷刻引疾求退必優詔勉留命  
醫賜食一日土謂華公曰朕以天下事推誠付托于珊  
猶家人父子太平未也何忍捨朕先歸華容以 上語  
告珊泣曰吾不得返矣十八年卒于官贈太子太保  
諡公簡珊德性和粹 耿耿不苟合而洞達無城府奉  
法不為物撓而 常近厚祿仕四十餘年家無餘  
貲辰入國出窮甚暑不變敗屨中外所至有聲績澤  
尤著

梁璟字廷美太原縣人天順甲申進士授兵科給事中  
累官陝西布政使右副都御史巡撫湖廣會永州寇作  
率兵討平鎮守中官歐宗藩親至死璟訊之抵法力拒  
請托不為撓陟兵部尚書卒李文正公銘其墓曰公起  
諫垣出領方牧入為都憲兩鎮南服均勞內外徧涉川  
陸政勤教條法慎刑獄亦有兵威匪我窮黷有言有功  
並受褒錄既登雷雷遂興錢穀雍容廟堂以率群屬官  
無譏者器不鼎鍊功成志倦勇脫羈束若駕康莊水謝

流往過來續亦惟天道盈禍虧福

方守字大本淳安人天順丁丑進士授監察御史巡按湖廣會雷徠入寇督兵討平建議遵常任專委任省班還震中保節邊備浚河灘立巡司防夷患八事允行遷河南僉事

李人儀字士傑榮昌人景泰壬戌進士授監察御史天順初忠國公石亨太平侯張軼與大學士徐有貞俱恃功放恣人儀劾之謫知襄陽縣任法鈔強不避權

秦夔字廷韶無錫人天順庚辰進士授南京兵部主事

轉郎中出知武昌府屏姦植善興學勸農創養濟院定均徭法積穀備荒節財裕國都御史吳琛劉敷尤加器重乃創張乖匡祠葺黃鶴樓祀神江滸力縛劇盜辨獄會城首罪妖伶皆美政也

孫倫字維序瀘州人天順壬午舉人知嘉魚縣內外一誠以禮自飭見利如仇人不堪其清苦脩學宮興冠婚喪祭禮去浮屠老子舍毀其像人皆遵其教親藩旗尉取居民立舍之木倫從容使人諭之不聽嚴以刑而遣之王大怒以欺侮秦衆爲之危倫曰事苟公平周徧雖

死何悔法司勘以非罪狀聞詔釋之嘗以邑戶復消於  
昔役益繁欲移鄰封之半以增里疏成未及上而倫沒  
矣去之日人人天之哀曰清官死誰復愛我者

倪輔字良弼平湖人天順甲申進士授吏部主事歷禮  
部郎中擢湖廣左叅政輔性警悟喜談論處官事不苟  
工詩為文務去陳語所著有類劇藏藁

何盤珙縣人天順中知遠安縣忠信明決見義必為凡  
百營建若縣治學校祠廟  
成出自贖鍰民不知勞  
財不告匱

張悅字時敏華亭人天順  
進士少疑靜篤學力行

為浙江提學擢湖廣按察使執法嚴峻不可撓言  
府承奉張通怙勢訟痛絕之不少貸凡百請詆拒不與  
通歷陞工部侍郎弘治元年改禮部再改吏部六年大  
旱陳舊章恤小民示儉素裁冗食禁濫罰數事又上  
脩德圖治二疏尋出為  
甲銓尚書改兵部叅贊機務  
疑重簡靜上下安之平居謹畏小心無疾言厲色至臨  
事卓有定見未嘗以恩怨利害動其心嘗謂人曰古之  
聖賢其過人遠甚凡所獻為皆三公無私故其事業光  
明俊偉今之人去古聖遠矣每事竭其公忠猶恐不及

况復濟之以私乎性素清約終始不渝四年六疏乞歸  
上爲賜璽書加太子少保致仕歸處舊居社門不出  
卒贈太子太保諡莊簡

黃溥字澄濟廣信弋陽人天順二年由四川按察使請  
施州衛經歷興廢省役不專法律初施學同雲貴例士  
以選貢目不知書溥至選官民子弟親爲授經士始向  
學在任九年復遷廣東按察使

盧雍字廷佐江寧人天順丁丑進士授兵部上事轉郎  
中累遷湖廣左布政使凝重端厚作與七類加恤耆老  
剔奸植弱人不敢干以私

余闕字廷心一字天心唐瓦氏世家河朔武城人  
年賜進士及第授同知泗州事爲政嚴明宿吏皆禪之  
俄召入應奉翰林文字轉中書刑部主事以不阿權貴  
棄官歸尋以脩遼金宋三史召復入翰林爲修撰兼  
察御史改中書禮部員外郎出爲湖廣行省左右司郎  
中會莫徭蠻反右丞沙班當帥師不肯往無敢讓之者  
闕曰右丞受天子命三木重臣不思執弓矢討賊乃  
欲自逸耶右丞當在沙班曰郎中語固是如芻餉不足  
何闕曰右丞第往兵不難致也闕下令趣之三日皆集  
沙班行復以集賢經歷召入遷翰林待制出僉浙東道

廉訪司事丁母憂歸十月河陽陳交諫自上游直擣小  
孤山伯顏與戰四日夜不勝急趨安慶賊追至山口鎮  
明日癸亥遂薄城下關遣兵扼於觀音橋以孤軍血戰  
斬首無筭而關亦被十餘創日中城陷城中火起關知  
不可為引刀自剄墮清水塘中關妻耶士氏及子德生  
女福童皆赴井死追封兩國公謚忠宣

卜顏鐵木兒字環卿唐兀吾密氏性明銳個儻早備宿  
衛歷事武宗仁宗英宗天曆初由太常署丞拜監察御  
史陞殿中侍御史累除大都路達魯花赤都轉運鹽使

遺一幼女為買棺殮葬之津遣其孤女還鄉崇在永正  
年剗除吏弊殆盡拳拳與民惜財每歲租庸調之外民  
無毫髮之擾

趙熙臨海人由進士天順初知安陸州政無苛刻斷獄  
明允以長者稱後陞雲南楚雄府知府士民爭為攀轅  
薛綱字之綱山陰人天順八年進士累官湖廣提學副  
使宅心中正訓士勤篤雖大山窮谷深林絕澗必躬造  
其地嚴加考閱每遇名士尤注意焉如嘉魚李司馬承  
勛巴陵顏司寇頤壽公安鄒司徒文盛柳陽何少宰孟  
春蒲圻仵戶部紳江工部師古皆預加藻鑑卒如其言



且楚故無志志之自綱始文獻有足徵焉

徐懷字明德建德人天順庚辰進士授刑部主事累遷湖廣按察使為政以敬簡廉靜為本獄訟立辦無稽詞亦無隱情吏民畏服豪猾屏迹風稱凜然

汪進字希顏婺源人天順甲申進士授刑部主事擢湖廣按察僉事分巡衡永痛懲豪右會施州土官覃景隆不法特按治之躬歷其地撤去元帥舊衙毀其印牒民獲安堵

王霽字景明上海人天順中知黃州府崇正闢邪與利除害綽有能聲九載考績尋陞都察院僉都御史

俞蓋字廷臣桐廬人進士授監察御史值萬氏怙勢盡糾之貴戚斂手坐是謫判澧州徙茶陵又徙安陸會流寇嘯聚鄖西擢知鄖陽府特創設府治博詢民隱實省征派凡百城池衛所學校廨宇區畫咸宜卒于途

蕭楨字彥祥泰和人天順甲申進士授刑部主事轉員外郎擢湖廣按察僉事歷按察使精核法律決斷如流庭無留贖進都御史仕至刑部尚書

沈暉字時暘宜興人天順庚辰進士累遷副都御史撫治鄖陽操履清約立法嚴整削強鋤暴奸豪斂跡繫于井于城中民甚利之種種善政軍民稱頌

林宗字存敬莆田人天順中授蘄州學正性溫雅有醜藉教人以體用之學與諸生相與咸出至誠晨夕察其勤惰諄諄教誨學者建崇賢祠於學宮祀之

李春桐城縣人由舉人天順間以監察御史謫知應山剛方正大廉公有為杜絕苞苴搜剔奸弊以親賢愛民為心脩學校舉廢墜時稱知體士民為立碑頌德

蔣淇上饒人天順中知靖州興學校勸農桑均徭役招逃亡平詞訟禁奸宄數年民苗順服詔旌異之

方銓新城人以天順癸未乙榜除安陸學正奉親之任嚴教條勤講課月試不鮮易其專經治也經者訪鄰郡

有司自朔公廨以安之燕飲歸冠帶候門侍立至丙夜必寢而後退少拂意不免笞撻孝友雍睦以身為教恩義兼盡成就之士甲於一時父兄子弟至今弗忘亦篤論君子也以外艱去諸生泣送不忍別服闋改汝州卒

手途

蕭拔昆陵人天順間知藍山時縣初草創政平訟簡拔問民疾苦若痼瘕在躬見縣故無城寇至無以為守乃議築之費役有經規模本廓所謂一勞永逸者民藉以

安居焉

李冕字文中梓潼人天順中任湖廣按察僉事性沉毅  
務振起廢墜理淹繫哀無辜招延士類察其秀而貧者  
調焉政譽赫然遷福建副使

劉昇台州人天順中湘陰縣簿為人廉朴謹慎不駁割  
小民縣治惟務水耕昇躬督開墾原野教以雜植民始  
知山原之利至今受其惠去之日囊無餘貲君子以為  
難

原傑字子英山西陽城人成化中累遷左副都御史時  
劉千斤寇鄖西而河陝荆襄流連聚梗屢征弗克傑按  
行二省八郡無停轍遂覓惡綏良善給以田產人之附籍

凡八萬人奏寤以四之漢中商州河南之南陽唐鄧四  
川之夔瞿湖廣之鄖 長安沔添設都御史提督撫治之

又設撫民副使分守 議置鄖陽府行都司地方賴以  
安靖又薦御史吳寵 已擢南京兵部尚書卒於南陽  
鄖人建祠崇祀

韓文字貫道洪洞人成 化丙戌進士授工科給事中建  
言時政考訊瀕死出補 以廣叅議分巡荆南所至軫民  
隱正士風力行古道歷 以都御史巡撫湖廣在襄陽建  
羊叔子祠以為牧守勸 鄂渚則飭馮文簡祠以為士  
子風其諸振紀肅僚施 澤物者不可枚舉後遷南京

工部尚書改北京戶部

逆瑾柄國輔臣焦芳劉宇曹

元附黨煽害文率百官

諫落職歸田逮繫罰米瑾誅

復職卒贈太傅諡忠定

書林後已質菴諫垣時不立

異無所爭而論事侃侃

大藩至中丞少宰司馬司徒

廓大遠求莊簡而疑重

休有容親賢下善咨猷布憲

泯乎其無形而天下陰

其賜蓋有人不能行獨行之

者故其謚議有云愚同

子竟保其身老似武公不馳

于學

徐恪字公肅常熟人成化丙戌進士授工科給事中擢

湖廣

官正直擅權使者旁午

有恪力抗之陝西叅政轉左右布政進都御史

湖廣陟南京工部侍郎卒李文正公銘詞曰國有

維廉乃一士而弗廉曷以律觀德之隅如彼室徐公

手持法三尺威來如山氣如窟深言遠計心在國群猜

衆忌不我卹避嫌遠恥如有激臺高省殿出復入身雄

廟堂志巖穴旋亦棄之如疑脫乘堅驅良虞履躓蠅營

蝸爭竟何物公懷謙冲歛不伐天實成之豈人力

劉喬字述憲萬安人成化丙戌進士授歸安令徵拜監

察御史歷遷湖廣按察使彭文憲公薦之轉布政使會

建各藩府極力綜理民不告勞勩諸府獄事皆得理代

祀南嶽卒于歸州

張崑字子瞻天順間知荊州府仁明廉介毅然有為苟

利于民雖叢怨于身不恤脩理學校獎掖後進惟欲導

民于善士風聿興詞訟亦簡超遷都察院左僉都御史

鄭時字宗良舒城人景泰辛未進士嚴重剛毅政存仁

恕累遷都御史巡撫陝西直言觸諱改叅政成化末進

左副都御史撫治荆襄謀猷宏遠憂國愛民之心恒切

于衷仕至刑部尚書加太子太保

王恕字宗貫三原人正統十三年進士選庶吉士入翰

林出為大理寺副景泰五年出知揚州府屢辨疑獄歲

都御史撫治荆襄南陽豪爭礦殺人獲渠魁餘悉解散

蝗生乞避位因勸上去奢崇儉俄丁內艱會襄陽盜

起起復會總兵朱永搗其巢劉千斤和尚作亂佐王

師三年討平之帥欲縱兵搜山恕不可下令曰擅殺者

斬復榜示流民復業為建生祠繪像事之九年改南戶

部尋改左副都御史巡撫雲南十四年改兵部尚書兼

副都御史巡撫江南直隸賑貧理冤全活萬計累官吏

部尚書加太子太保裁抑僥倖褒獎名節無敢以私干

者弘治六年致仕恕仕四十五年凡上三十餘疏皆忠

直剴切益憂世之志如范希文濟世之才如司馬君實  
直諫如汲長孺惠愛如鄭子產年九十矣猶考論著述  
言動必揆矩度嘗言我垂老方理會學問卒年九十三  
贈太師諡端毅

李鏡字文明廣信弋陽人成化己丑進士授刑部主事  
轉員外郎出知岳州府脩廟學葺倉庾築湖堤通城陵  
磯墾隰為田引水灌溉其為民利甚溥洞房君山為水  
寇淵藪鏡擒其渠魁餘黨解散政聲大播擢陝西叅政  
遷浙江布政使岳民立祠祀之

徐博嘉定人成化中以監察御史調知巴東縣剛明廉  
早著聲譽兼學  
馬炳然字思進成都內江人成化辛丑進士知嘉魚縣

民有為人作狀牒者炳然訊其人名而問之曰汝民當  
各安分畏法何至為人造訟乎對曰窮無以養寫一狀  
可活吾家數人炳然自責曰不富焉能教厚其者使力  
本自是公門游食者悉遣去炳然為政明察而不煩暇  
則巡行村落益悉其人堪某事某戶堪某役胥徒不能  
為姦三年大治流民復業乃新治事之堂扁曰富庶教  
退居之堂曰絜矩二十三年丁未夏秋湖湘旱饑炳然

申賑貸未報輒開倉救之明年又饑 朝廷出內帑錢  
以賑民府守意令文具放散而寔欲轉輸府庫也炳然  
曰天降凶荒為政者之罪也即放散之守怒炳然不懼  
也後擢副都御史督南京儲至武昌青山江中遇流賊  
劉六為所挾令作書退軍不從遇害妻女俱溺死事聞  
贈右都御史諡毅愍

屈其字廷誥上海人成化辛丑進士授蒲圻令督農種  
桑多植桑麻令婦女業紡績治絲枲驗其勤惰而賞罰  
之高田製筒車下隰創陂堰民賴饒洽修學舍考校德

力耕稼復其徭為教讀資邑有奸法者大書木牌于其  
門雖權勢不避置立義倉六所儲穀三萬石至正德初  
大旱民猶被其餘澤拜監察御史蒲人傳誦迄今不忘  
劉丙字文煥安福人成化丁未進士選翰林院庶吉士  
授監察御史累遷貴州按察使陟都御史巡撫湖廣時  
方大營建遷工部侍郎督採大木竭心區畫憂勞成疾  
丙嘗作崇正堂銘以自警銘曰維正伊始無極之貞清  
濁既判正由以名惟氣之正人乃有形惟理之正與心  
俱生惟心之正在意惟誠為學之正必理是明言以正  
發動以正行仕以正進功以正成事君而正君以安榮

治民而正法無變更秉正而生固爾之享使斃而正死亦爾輕卓哉孔孟正學以宏嗣是而正紹于周程張朱繼作皆以正名寥寥影響誰抗斯旌懿茲南楚千里專城崇正有院翼翼崢嶸祀彼先哲爰集俊英惟正是學若見墻羨夙夜匪懈以紹芳聲已正人正天下以平豈媒利祿徒弋簪纓我思崇正以求稱情

呂綸昆明人舉人成化五年知隨州嚴明廉慎始終如一日值歲旱民饑綸素衣跣足禱雨發倉賑貧捕獲鼠竊必寘之嚴法數歲民風寂然外戶不閉初夏民納祇候錢綸曰五穀未登錢必匱人者令還上候秋杜納隨民感其德至今傳誦祀于名宦祠

劉肅字敬之嘉定州人成化丙戌進士授監察御史巡視湖廣風采凝峻擢雲南副使謫知黃州府值蘄州宗藩弗靖監司倚重于肅卒致于理屬歲饑賑拯有方遷貴州叅政河南布政使

于璠嘉興人成化初由給事中陞知襄陽府爽朗明快人無隱匿首建府學大成殿兩廡齋號俱立規制剏石俶擾兵戈叢脞酬應支柱民賴以安

周鈍成化初知長沙府剛正廉明始終不易時藩王初就國護從者驕肆侵奪鈍奮身執義伸士師之法以禁



制之民乃安息

何淳字尚質淳安人成化丙戌進士授監察御史累遷湖廣按察副使時旱潦相仍民艱于食區畫賑採咸得其所山陝河南流聚荆襄淳命有司隨地施給民皆感泣轉按察使

姚文灝字秀夫貴溪人成化甲辰進士授主事以誼誤調常州通判治水有聲復工部主事尋陞湖廣提學僉事慨然以作人自任崇正學黜浮靡規條甚悉常自謂所能者三毀譽不入請託不行賄賂不通而已常過洞

舟幾危端坐不動風止泊舟登岳陽樓云來時行李蕭然去時行李蕭然岳陽樓下徑過此心無擇者天

今人頌之文灝以拜督學尚書劉大夏曰僕于祖脩為諸生性慵懶乞答之文灝視其文不得答特呼答焉竟不與入試祖脩至鄂再乞試文灝答之御史某徵召祖脩灝不允御史以心灝亦不動尋卒于官貧不能殮歸治喪還其柩大夏為文灝之所著有學齋稿經說雜說報德錄中庸本義藏于家

趙炯四川永川人由進士成化間知瀏陽縣事擊捕豪強盜賊潛遁創立城池以衛民居先時縣之錢糧多為勢家包攬不輸小民困於重徵至是勢家聞風送納民

黃便之尋陞監察御史

黃仲昭名潛莆田人成化丙戌進士選翰林院庶吉士

授編脩時遇元夕諸詞臣撰擬兩宮燈詞仲昭與同

官章懋莊杲上疏論之謫知湘潭後改南京大理評事

遷江西督學僉事

易貴貴州人成化中知辰州府興舉廢墜凡辰之公署

學校皆其所經置辰庠丁祭原無樂器貴上疏得允乃

以禮激勸義士率金新製

張珏仁和人成化末知辰州府剛直有為吏民信畏凡

遇中貴勢要未嘗少屈藩部或有微派未嘗不以

周南字文化縉雲人成化戊戌進士累官湖南左布政

使鎮靜不浮清嚴有守楚人稱之陟都御史

蘇惠和蓬谿人成化中知保康縣開創縣治凡百庶務

身親規畫九年滿去士民流涕載道今有遺思

王敕字嘉諭歷城人成化甲辰進士及第授翰林編脩

謫夷陵州判官苦節自甘一毫不苟擢四川僉事轉河

南督學仕至祭酒

王鑑之字明仲山陰人成化戊戌進士累官都御史撫

治荆襄法賊吏嚴請托飾學宮置祭器開堰盛水武陽

政寬而惠法嚴而果軍民賴之尋陞刑部尚書

俞俊括蒼人成化進士知江陵縣察機應變革弊釐奸吏不敢欺民賴其惠陞御史仕至工部尚書

黃本樂安人成化初知石首縣時荆襄寇起師旅之費多出郡邑本措置不擾上下重之擢監察御史

陰子淑字宗孟其先崇陽人徙居內江父秉衡博學善教子淑成化壬辰進士知荆門州鯁介不阿保民如子

興學校惇倫理舉廢墜濯塵垢建陸文安公祠于家惠二泉脩築橋梁城池解舍士習丕變民風勃興邦人感

其德立去思祠并作循良十詠詩以美之以爲陸九淵之遺一人也遷浙江按察使

楊璿字取幾無錫人正統丙辰進士累官戶部侍郎成化四年兼副都御史撫治荆襄興學勸農設營置倉會

鄖西流民哺聚歲大旱賑荒靖亂率有成功趙讓浙江桐鄉人成化丁酉知松滋縣愛民下士百廢

俱興凡文廟公廨祭射禮器皆其所製黎福字天與樂平人成化丙戌進士累遷右副都御史

撫治鄖陽節制三省鎮之以靜民咸被澤陟南京兵部右侍郎

邵宗字叔章仁和人成化中任湖廣按察僉事公勤廉

介首重學校歷湖南諸郡撫夷有方新武昌城築祁陽  
喬勳寇盜綏流民去後見思擢四川副使

劉遜安福人成化戊戌進士授南京監察御史上疏論

守官蔣琮謫知武岡州獎廉斥貪所至肅然張弛舉措

必詢輿論以事逮繫詔獄孝宗親賜鞫問大學士李

東陽救免復謫四川都司後遷福建按察使

長鑿上高人由舉人成化間知寧鄉縣家給小榜教民

孝親俸長婚葬以時力效古靈之風鋤強去暴賊後

廢甚有惠政

長沙府清慎自律愷悌臨民訪朱張書院廢址於岳

荆棘間謀諸郡人出俸資重建講堂齋舍為崇道祠祀

之薰德造就良多飛行之日行李蕭然士民立去思碑

倪文毅公表其墓

林啟福建同安人以易學中成化丙午鄉試第一弘治

庚戌以乙榜授安陸學正豐儀偉觀見者肅然有學者

政授經之暇脩祭器構講堂泮池橋製射具諸生孤

貧者力助其費科目日盛考順天四川鄉試號得人丁

外艱服闋陞國子監博士遷南京國子監丞道行兩國

學卒于官持已之嚴作人之效學校之興功絕先後可

稱一時名師尚書林俊為誌其墓

楊宣樂安人正統丁卯鄉舉成化初知常德府肇脩郡

志清覈桃源民田都御史吳琛薦之璽書褒異

畢亨字嘉會新城人成化乙未進士授戶部主事歷

陞湖廣參政心公而恕政簡而明終戶部尚書正德初

起兼都御史賑濟湖廣

馮俊宜山人成化中任湖廣按察副使分守沅州建學

宮創譙樓造浮橋調度有方持重不苟卓有政聲後遷

都御史

嚴全字宗源博田人成化中任湖廣按察副使純直青  
極嚴明有法長于知人士經品題終身不爽如李承芳

承箕皆如其言至今追頌

張誥字汝欽華亭人成化中拜監察御史按湖廣正身

率下釐弊燭奸班駁文移協情稱法貪暴望風悚息

謝綬字朝章朝城人成化中任湖廣按察副使以直道

忤中貴鋤強梗黜貪殘名聲大振後遷都察院僉都御

史

戴諱山陰人成化十六年由舉人知通山縣操履勤慎

平易近民脩舉廢墜案牘肅清久在任士民懷之

何淡順德人成化中知漢陽府愷悌廉平不事苛察明

于决獄哲于知人在任九年清白如一日時有真何武之謠去後士民懷之不忘

林堪莆田人成化中由進士知漢川縣純厚近民廉介不苟公暇與諸生講誨窮日夕不倦陞南京太僕寺丞士民不忍舍去爲立懷德碑生祠

姜英政和人成化中知當陽縣蒞事公勤臨民平易惠政甚多去任後民歌之曰姜當陽古循良自去後德難忘

姜綰字玉卿弋陽人成化末知景陵縣時制度簡陋嘉祥荐深綰刷剔振作復爲規畫興學墾田以文章飾吏

事六年民懷吏畏又治蔚然百姓立碑以識遺愛尋擢

監察御史後復陳言時政謫判桂陽累官至按察使

方向直隸桐城人由進士任戶科給事中以言事謫驛

丞尋陞知安陸州持身清儉歷官不挾家累以一僕自

隨俸取給用室惟去書戶無局輪性嚴峻剛大人不敢

于以私暇日猶以經義授諸生喜吟詠豪宕奇古陞瓊

州知府卒

石敏中四川江津人成化中知松滋縣治官如家視民

如子歲荒發賑賑下漲築堤民賴全活時兵起供需甚急

中措置有方糧餉不遺脩築城垣人不知役善政不可

殫紀致仕歸貧無居地士論榮之

李芳廣西融縣人由進士成化中知夷陵州律已清儉臨民平易有古君子風歷官雲南布政使至今稱賢守以芳為最

關忠魏縣人成化初知枝江縣有善政楊都御史特檄獎之有心懸報主政在養民之語其廉介仁恕足稱循良後陞任去民弗忍諉

季恒六合人成化中知安鄉縣縣民不習縷織恒教藝桑綿月課其功民利始興儲積救荒市地廣學復荒文正祭田善政皆可傳述後調已後竟無官去

賦屏息在任未及一年而境內士民

樂業號稱善

治偶以疾卒于官民懷其德塑像於

廟歲時秩祀

龔弘字元之嘉定人成化戊戌進士

日南京吏部郎

出知兗州府為政之廉下稱多稱道

夕處齋所謁閣

羅王親與之揖讓

鬼方割其背不勝

痛楚明日弘問儉

發背死矣自是得

盡知民間陰事

一孝肅在郡六年擢

山東參政以

湖廣左布政使歲

會計錢穀數俱手

一派辨均調諸郡訓

卷之三

行之擢副都督以宗南巡江彬沿途

索賂弘一無所進因老上曰弘雖老

尚可用又之晉三以仕歸年七十五卒

梁澤陝西三原人成化中以御史

正不畏權要編澤役得富者得其遷華容知縣性剛

砌城郭創置倉廩以治戊申歲大旱通

縣人民皆賴存活

宋孟河南許州人成化中知平江

裁丁酉流賊入境率典史張澄

援一不至力盡死之事留錄一王和等禦賊大戰

真合江人成化中知平江縣興學勸農鑿池以

水利建橋梁以便行旅人甚德之祀于名宦祠

黃公甫長樂人為監利教諭善陶鑄士類講論不廢寒

暑同舍訓導卒公甫為貯諸生賙金適寇至盡掠其貲

獨所賙金故在也悉持以歸同舍子士咸服其義行


胡宗道字守正扶風人成化中知襄陽府廉介自持令

家人不得食俸米誠心愛民學巷隘闢之丁外艱買馬

以歸馬斃徒跣奔走毀瘠不堪襄民至今思繹

胡昂字文謙定興人成化中知襄陽府以鋤惡為急時

蒼臺苗崔素為盜人莫敢發昂選驍勁夜傾其巢明年



月實德志 卷之三 宜蹟十三



劉六等劫殺中原哨至其處幸其黨與逃散倡亂無由  
非昂預難于前釀害不小矣

吳遠安福人成化初知鄖陽府時初建郡治廳事廨舍  
皆其創脩且勤于撫恤寬和廉靜有長者風士愛民懷  
迄今感仰

王震邢臺人成化中知鄖陽府廉明公恕深達民隱建  
書院造浮橋政蹟甚偉

侯爵歸德人成化中以都御史原傑薦知鄖西縣治  
設庶務創舉任十二年民立亭傑祠後祀之以系去思

曾熙和入成化中以竹山學諭攝竹谿縣都御史  
傑薦任縣事學優政舉至今稱之

洪冕成都人成化末知永州府識見明決長於吏治  
抑權豪振肅綱紀政聲赫然

王績華亭人成化中知常德府持身清潔人不敢干以  
私禱雨於龍門洞輒應至誠之心上下孚之比卒屢無  
餘貲合屬士民賻其喪還其妻子有趙清獻之節焉

劉纓新淦人成化中知武陵縣在任六年明習吏事諸  
舞文者以次摘發凡百紀綱次第脩舉仕至刑部尚書  
黃珂遂寧人成化中知龍陽縣興學校勸農桑理冤獄  
歲饑加意賑恤極有方畧全活者甚衆仕至南京兵部

尚書

毛倫樂安人成化初知綏寧縣教民力田植桑盡德  
者於法任九年民俗丕變

汪麓仁和人成化中知綏寧縣廉謹公平得為民父母  
之體勸種植興學校禁民作佛事獎絕風清真良吏也  
吳震華亭人成化中知靖州時大兵討苗以經理勞瘁  
卒于官百姓至今悲悼

王信字君實南鄭人成化中以參將分守荆襄諸路時  
賊劉千斤反衆蟻聚芳陵最要信以十餘騎往夜出賊寨

人先士卒斬首數千級獲千斤戮之進鎮國將軍

仇殺信面諭之不煩兵而下曰累歲苦徵索將軍獨廉

敢反耶后以年老辭歸民奏晉之進都督同知卒信沉  
毅有謀諳練軍政號令明肅稱名將焉

張訥字汝欽華亭人成化丙戌進士選翰林院庶吉士  
授監察御史正色率下革弊除奸舍譽望風竦息巡視  
湖廣猶有遺烈

陳興許州人成化初知蘄水縣在任九年公平端慎始  
終如一日吏胥不敢舞文民不忍欺深仁厚澤至今稱

頌

李桓儀封人成化初知黃陂縣教民植桑棗民受其利  
歲饑設法賑濟多所全活

江清固始人成化初以監察御史謫知應城縣幹濟公  
勒庶事克舉抑挫豪右申理屈滯一邑凜然

張瑄睢陽人成化甲午知安鄉縣賦性明決重學救恤  
民隱境多虎行旅邑居者患之瑄下車禱于城隍曰令  
不職神宜殛之猛虎為災苛政所致百姓何罪邪自是  
虎舛迹人稱為張驅虎云

鍾蕃字廷芳崇德人成化中知邵陽府撫納叛亡脩明  
公紀之民安集合郡賴之

錢新常孰人成化中知永州府處已嚴介蒞政精勤平  
賦役審獄訟作興士類人皆感勵等陞參政去之日士  
民遮道送之至今嘆慕

顧福字天錫長洲人成化中以刑部郎左遷永州同知  
廉介不苟勤慎不苛民有被誣重獄者久不能決福為  
平反郡稱神明擢知吉安府

陳欽蒼梧人成化末知寧遠縣性敏而勤政公而恕遇  
事善決斷不事苛察民受其惠洽于肌膚雖兒童走卒  
皆知頌德

周應熙安福人成化末知寧遠縣廉勤幹濟尤加意學

校留心民瘼一時士庶以陳欽周應熙並歌頌之迄今有令問焉

王一言內江人成化中知瀏陽縣為政以鋤強安善為先尤加意士類有暇輒與諸生講論經義無虛日多所成就政教兼善至今稱之

汪道休寧人成化中知醴陵縣臨政嚴肅奸猾束手吏抱案牘至多震慄不敢出聲蔽政一洗境內晏然

梁澤三原人成化中知茶陵州剛果有治才清介之節久而不渝建白當道請改邑為州功績甚偉

劉英息縣人成化中知夷陵州廉靜簡約政尚平易百姓悅服境內無患嘗禱黃陵神驅獲之甘其惠遂息因奏

增祭品遂為定制事神治民務盡其誠人所罕及

戴中新淦人成化中知黃梅縣持身清潔蒞政明敏學校公署廢墜者皆中所葺治一時文物煥然改觀尋徵拜監察御史

謝恭字文安休寧人成化己丑進士知黃州府問學宏博居官清苦舉廢墜興學校士民畏愛久而見思

胡廉鄆都人成化中知石門縣性嚴毅有才畧剖訟明決操履清慎勸民務農桑凡有興作不違其時重人倫厚風俗鋤抑強梗革吏胥之奸欺者公庭寂然一邑安堵

彭倫未定衛指揮爲人多謀舉率先計後戰成化二年  
茅坪苗叛倫守備清浪總兵李震檄倫討之十一月進  
至天柱其天堂諸苗皆詣倫降進攻茅坪拔其寨爲營  
量分兵沿江諸小寨次日連攻赤溪架直黃蜂等寨皆  
捷前後斬首七十七級生擒四十三人引還三年春銅  
鼓苗叛倫會諸軍夾攻天堂黃柏等寨破之斬首五十  
級生擒四十人并獲牛馬以歸二月至自銅鼓邏者報  
苗出沒西溪高寨諸處倫按狀得實卽令指揮王雄哨  
探家屯錢宗玉哨龍塘鐵堅出龍塘與錢宗玉會賊  
之歸彭家軍四面至矣遂逐之賊見官漢倫軍勢  
是陞都指揮使仍守清浪五年天柱清洞浪江水畧  
有警倫命指揮江果次黔陽安江金祥出辰溪激浦尹  
昶出鎮遠馬場與守備未定平蠻大勝等堡指揮朱海  
等合仍令沅州衛操習軍馬以爲應援賊聞不敢出四  
月賊入乾溪長冲殺六奪牛畜報至會鎮遠府通判陽  
裕起集印水施秉民兵次松明自率指揮尹昶等繼至  
時賊方聯舟洪江有所營爲聞官軍大至窮蹙請還所  
虜牛畜與盟而退倫以印水等處賊入境輒因各寨不  
即遮格以致滋蔓乃檄所司曰凡賊入境諸司能獲一

人者重賞其有不即遞格致誤地方者當置諸法若是  
諸司各勅所屬凡遇生苗入境皆緝至帳下一日就教  
場盛陳兵衛令所部日把人等來引前所緝苗寨曰某  
人入吾境殺某人某入吾境掠某人牛畜當死衆曰然  
即置之竿頭令騎士交射殺之復割裂肢體置大鑊中  
烹熟令壯士啖之衆皆股慄復引審曰某故違軍禁  
入境罪亦當死苗叩首請命衆救解之因令截耳鼻使  
夫曰以此爲識再來吾不活汝矣因勅諸寨分各樹界  
牌自是衆苗得相告戒不敢犯界六年詔以倫充察  
將倫益邊事謂其貴以鎮遠爲門戶鎮遠以印  
爲標喉刀脩築蕩洞堡以保居民復築硃砂平陽關口  
羊兒四堡以分遏諸苗來路及衛堡城垣單薄皆令增  
高益厚嘗移文湖藩務足二年糧軍不足乃選屯種及  
在衛餘丁幫補操習器械未脩令軍士歇班買辦及自  
出新樣令依式爲之一時軍容大興十一年妖賊石全  
州詐稱明王子孫潛入絞洞號召古州人萬諸爲逆而  
一時洪江甘篆龍阿龍俸苗皆應之宣言往南京卽正  
位邏者以告倫遣人候得要領知金州某日自絞洞入  
鬼農寨誓衆密遣指揮鐵堅督滴洞土官楊玉宣設伏  
蝦蟆塘以待獲全州焉并搜獲其妻孥及所造妖書旗

印上之地方以寧十二年春古州苗糾洪江甘篆諸苗以取明王爲言期先破湍洞北出沅州居民驚皆擔家內徙三月賊攻湍洞不克明宣言出鎮遠鎮遠告急倫命各指揮領軍分布要害荀文尹昶駐邛水許瑾史忠及鎮遠推官楊忠駐得明陶侃駐八弓張英與張官舍人何礪駐金浦自統人馬駐關口以當賊衝賊果出鎮遠英與倫兵寡自設伏待之大戰乘勝逐北斬首六十級其餘墮崖壑死者無算未幾邛水十四寨張家苗老草墮等僭號侯王糾洪江生苗謀奪軍民田地倫曰地方所繫也不可不密爲之計乃議出軍滅之命指揮鄭倫等分五哨土官楊忠等皆率土兵以從軍發邛水如注倫曰賊必以爲不出急攻可得意也於是刻期並進四面夾攻就陣生擒苗老草墮并男婦二百五十餘口餘匿崖壑并搜捕斬之遂平張家苗全軍而歸時天柱苗叛勢尤猖獗平蠻將軍李震移文請合軍進討倫率所領馬捕官軍并召諸土兵應之九月軍出邛水江頭諸熟苗驚疑欲逃去倫與僉事李冕計曰苗逃必助賊爲變因撫之曰軍討叛者非討歸順者汝熟苗宜自安苗乃止時天堂小坪諸苗皆請降倫聽之十月軍至天柱雨連日不止軍不果進靖州叅將高瑞駐遠口見賊

海虞縣志 卷之三 紀事 三十一  
勞盛遣人趨倫倫夜赴之江暴漲不可渡因隔江舉炮  
鳴金鼓以應之賊聞之氣奪遂口軍亦安次日倫取徑  
路出賊背後布營賊占高山倫率官軍即攻之賊敗走  
倫渡江搗賊巢穴賊取棘刺遮道官軍排之而入與賊  
鬪又敗之擒獲男婦三百餘口牛羊滋畜無數時左哨  
軍循地路進倫獨以右哨當之倫告諸部將曰今賊巢  
已破乘勝攻白崖塘特易易耳白崖塘者崖石萬仞下  
臨深江苗寨號稱絕險國初累攻不下乃會左哨軍  
同進偶得樵者示徑路官軍就夜攀緣而上及旦布滿  
山頭砲聲四發賊倉皇驚潰官軍追殺斬首二千餘級  
是者也初錄刻六洞苗占熟苗田不認納糧馬有司莫  
敢誰何倫謂白崖塘既破六洞苗皆震恐遣指揮張英  
往諭之果請納糧馬不敢後共認秋糧一百四十一石  
驢馬三匹是年陞右軍都督府僉事充叅將如前弘治  
元年移鎮貴州兼提督平清等處四年倫年踰七十歎  
曰功成身退時乃天道吾何求哉遂上疏乞骸骨詔  
許之以原官致仕

鄧元容內江人保康令也立心慈祥和用法平恕每蒞學  
必爲諸生講解示作文之法常因饑荒設法賑濟所活



數千百人特懸治初設一切建置皆手自規畫其諸惠政頗多遺老云今猶能言之

趙文傑字士英內江人由舉人來令雲夢剛方不撓操履介潔每以鋤豪右興學校爲已任時俗尚浮屠凡社昏喪祭必令遵朱子家禮又因寇盜創城塹立煙墩民始不便卒便而思之崇祀名宦云

湖廣總志卷第六十八終

湖廣總志卷第六十九

宦蹟十四 國朝

國朝周季鳳字公儀寧州人弘治癸丑進士授刑部主事轉郎中擢四川副使雲南督學遷行太僕寺卿湖廣按察使左右布政使平郟寇有功陟都御史巡撫保定尋掌南臺進南京刑部侍郎卒贈刑部尚書謚康惠其在湖廣最久德澤最深鑿井于會城題曰汲福劉績銘曰惟泉感沸亦旣潔兮隆冬獨溫氣蒸結兮三伏獨寒解暘熱兮存之不盈汲不竭兮博施有常比奇節兮胡世寧字末清仁和人弘治六年進士骨相奇古家貧

力學志節清峻長益韜戢留心世務初爲德安府推官  
鋤强暴獎節義激烈有爲無所撓沮知寶慶府文章氣  
節卓越羣流蒞郡數月州縣無微擾士民樂業稱謝省  
後一人陞江西副使值宸濠謀叛莫敢發其奸世寧上  
疏極論其不軌濠大懼遍賂權奸朱寧蕭敬張銳等及  
兵部尚書陸完都御史石介坐寧誹謗妖言離間罪必  
欲殺寧巡浙御史潘鵬附宸濠蓋囚寧家人索寧甚急  
會李憲勳爲浙按察使匿寧變姓名間道歸命京師得  
不至下獄衣赭獄中上書兩京言官程啓充等並疏  
論世寧得免獄德慶府潘鵬居四年宸濠反世寧薦除

逝贈少保謚端敏

熊一守字廣恒豐城人鄉貢知澧州性抗直政尚嚴厲  
吏民畏之新洲舊有空牧地藩府欲專其利一守婉辭  
啓聞卒弛其禁九谿土酋怙險殺害良民一守承檄按  
問伏其事任澧七年積粟累數萬斛歲荒民賴以濟尤  
重風教與諸生論經史愈久弗輟新祭器樹題名碑士  
習款動偶以事被逮寧白棄官歸去  
姜元澤諸賢人弘治間任平江教諭寡默宏博誨人無  
倦因殿廡隘陋捐俸建之士民翕然相應既落成卒于

任士子哀慕不已立祠肖像以祀

李景芳宜山人弘治中知寧遠縣奉公守義約已愛民

聽獄徵科常以理寃澤物為念不求赫赫之譽而民心

誠戴之竟以直道不容于時去任之日民垂泣送之者

以千計

龍章臨桂人弘治中知醴陵縣不猷特違政務脩舉重

建學宮作興學校并建淶江橋民不勞而事集百姓便

之

金銑字宗閏山陽人知蘄州文學該博政事通敏興學

屏息去任後民甚思之

周南字文化南京羽林衛人知蘄州仁明廉愛開誠布

公百姓信之所治在窮谷者賦初不以時至南蒞任數

年拊循安集上下一體賦無敢逋州人久而慕之

汪倬貴溪人知廣濟縣嚴恪勅法慈愛子民時鄉民流

徙者田歸蘄人倬請于朝編得田者隸焉民賴以蘇至

今繹思其德有遺愛碑

王緒字資本臨川人弘治中知宜城縣廉介不苟練達

有為建城門立義倉修廢補墜民不告勞判決如流威

宣續十四

行禁止民信服之

鄧萬斛四川富順人弘治進士知寧鄉縣民無多詭入寄庄以避差役斛釐正之俾寄庄者自為一坊民徑用省鄉有又子五人皆為盜訪得其情遣人擒誅之盜乃息修建公用之費盡以贖金克之無分毫歛之民間百事克舉而民不告擾境內肅然

王介侯官人弘治末知咸寧首詢民利害以下產定賦役凡宮宇橋梁傾圯者皆新之門無私謁令行禁止以贖緩易穀萬石正德己巳歲饑賴以全活者甚衆先時邑民多以幼子娶壯婦介詢之即為痛革調江夏吏民不忍舍去

黃鞏字伯固莆田人弘治十八年進士授德安府推官清亮博雅以古大臣自期待諸所脩舉以正風俗作人材為先飭學宮表董老子祠入為兵部職方郎中常題書屋曰石山亦屋為生太拙鴟夷馬革自許何愚正德庚辰上將南巡時鞏庶人久蓄逆謀與江彬諸奸黨交通鞏獨疏六事一曰崇正學二曰開言路三曰正名號四曰戒游幸五曰去小人六曰建儲貳車駕員外郎陸震見其疏即碎已疏草願同著名疏入二人自分必死彬見疏果大恨必欲殺二人縛下詔獄鉗校于庭五

日三訊杖百餘坐繫逾月除名鞫體最羸衆咸痛鞫必  
死及死得甦震竟死鞫歸杜門著述家素貧客至留飯  
或至日中未奉火貸米隣家恬不屑意嘉靖改元詔爲  
南京大理寺丞未幾卒無子贈大理少卿鞫常曰人生  
仕至公卿大都三四十十年惟立身行道斯千載不朽世  
之人顧以彼易此何耶

林廷玉閩縣人弘治中以都給事中論學士程敏政會  
試關節不慎左遷海州判官陞知茶陵嘗曰民風之不  
淳士習之不振道之不明故也乃作洙泗書院日集諸  
生講解其中意之所到吟咏長歌更相唱和忘其身之

爲吏也居數年政善民安

虞球崇仁人弘治間任辰州通判先是郡糧羨餘主者  
咸以爲已利球至一無所取不妄筮一人而公事亦辦  
過辰溪見高田水涸禾苗芻稿親詣田間相視水道令  
民開鑿陂塘渚水禦旱民多沾其利陞延平府同知  
孫需字季吉德興人弘治中以都御史撫治鄖陽興學  
校復流徙廉明忠直軍民感服正德初賜璽書金幣褒  
嘉之擢南京兵部侍郎終南京吏部尚書卒謚清簡所  
著有水彙稿

席書字文同遂寧人弘治二年進士初知郟城興水利

開荒乘輿學禦盜皆有條績然為工部主事改戶部時  
雲南晝晦五日勅大臣考雲書諸使公疏言致災之由  
係朝廷不係雲貴在大臣不在庶僚條上時事干言陞  
河南按察僉事勦賊正經界越王夜曉監宗藩莫敢撓  
阻正德四年陞副使提學貴州延王守仁省城講授五  
年入賀八年按察使浙江擒治蒙右逐貪酷吏釋冤獄  
臬政一新十二年右布政使雲南勦雷益構亂土舍轉  
左福建聞宸濠反眾皆觀望書發庫金募兵二萬討賊  
嘉靖改元陞副都御史巡撫湖廣擒奸豪號三虎者除  
民害長以守會古石附麗古坐謫戍吏民畏賊元年

石給軍餉戶部方議發帑賑會書奏至請給又條上賑  
法廷中方難得人往賑見書疏喜請以賑事付之書賑  
有法大抵專設粥以故侵冒者少全活數十萬逾兩月  
人稍蘇當是時大禮未定桂文襄上疏同封進上得  
疏喜急徵入京言官遂誣劾賑事無益書亦疏辭尋陞  
禮部尚書上曰眾且中傷書再遣司禮監官覈報事  
得白益遣使促書書至改稱考獻帝伯考孝宗將  
下詔今書議詔條書又尋檢姚崇要說上圖新政十二  
事御史藍田劾其妄自此姚崇比上玄宗大不道書

乞罷不許削田籍大同軍叛薦楊一

清王守仁討賊時

相方主撫議不果又上大禮集議纂

要六卷五年獻

帝實錄成進少保時已失明薦羅欽

順自代修明倫大

典書總裁六年加武英殿大學士賜

第給俸留京師卒

贈太傅謚文襄

林廷楫字利瞻閩縣人弘治丙戌進

士歷兵部郎中出

知蘇州擢雲南叅政嘉靖初起遷湖

廣布政使為人恬

雅介潔所至有惠政後仕至工部尚

書性剛毅鋤強植

趙時忠河南羅山人弘治中知益陽

縣性剛毅鋤強植

弱發奸捕伏邑稱神明隣民赴訟干

吏者日集告戒

切咸感愛之後徵為監察御史

余狎字鳳文豐城人弘治初知棗陽縣邑無儲積狎乃

規畫積粟萬石以備賑濟每遇凶荒民有所賴

林俊字待用莆田人成化戊戌進士初為郎官時見妖

人李孜省妖僧繼曉巫風蠱政上疏極論逮繫謫黜弘

治初起為湖廣按察使風采稜稜所至肅然不久即乞

歸角巾野服翛然塵表正德戊辰蜀寇監廷瑞喻思倅

亂 詔起為都御史恩威並著奉典總制洪鍾議不協

又乞歸嘉靖初起為刑部尚書自歸州出峽留題云買

峽水濁去時峽水清來時峽水高去時峽水平此峽繫  
行止進難而退易所遺兩文字巫峽相光氣

王時中字道夫山東黃縣人弘治庚戌進士歷湖廣按  
察使執而有守介以不隨入為刑部尚書

鄭岳字汝華莆田人弘治癸丑進士累官湖廣按察使  
嚴毅不屈端諒敢為後遷大理寺卿戶部侍郎

楊茂元弘治中同知長沙府以詩書節吏治以節義勵  
風俗加意嶽麓書院表章紫陽遺事文章政績不愧文

懿公焉

重錄會稽人弘治中為茶陵州生清強練無必阿薛

州故喜訟捕其尤真之法科舉士弗振者二十年乃

名士為之師擇子弟受學焉學宮故址弗利相善地改

初之士人自是興起多文學矣歲旱奏減租者再藩吏

歲派遠運違常格檄正之吏遂坐賊罷

邵寶字國賢無錫人成化二十年進士初知許州愛民

訓士弘治七年為戶部郎中凡歲秒會計出納及勾校

京邊儲蓄鹽屯皆實區條具疏正德中任江西提學副

使章勵名節敷寬善誘轉湖廣左布政使端介自持政

尚大體正德四年陞副都御史總漕巡撫江北有清譽

漕大小將校皆嚴憚不敢苛贖未幾事忤逆瑾瑾又惡




平江伯平江伯潛帥也事連寶璽益怒禍且不測長沙  
 公力解得致仕瑾誅起巡撫貴州陞戶部侍郎請養母  
 歸十四年陞南京禮部尚書辭嘉靖初再拜時與終  
 養母服闋請致仕不允卒贈太子少保謚文莊嘗嘗性  
 純懿問學該洽孝親睦族獎誨後進應務之才細巨皆  
 適所著學史端簡錄二書巡撫吳廷舉上于朝  
 莫震字廷威侯官人以進士為嘉魚令其人修潔春秋  
 事神牲醴皆戒於三月前官舍有木偶神像投之江每  
 秋冬繞行郊野相土宜修陂池與民興利除蠶湯整  
 促意今龍潭周遺之才皆當時所植者後遷福建延平

同知

顧源字達源長洲人弘治中任湖廣兵備副使廉介公  
 明以弭盜安民為急練兵戎增城池興學校尋遷右布  
 政使

王玠字邦器鹽山人弘治中任兵備副使治襄陽興利  
 除害政尚嚴明奸豪斂跡盜賊屏息致仕歸年八十上  
 議建儲謫戍山西

聶賢字承之長壽人弘治中由進士知武昌縣公廉有  
 為創興學校拜監察御史正德中累遷湖廣按察使剛



介不撓仕至刑部尚書

吳紳字廷瑞歙縣人弘治中知興國州淳雅寬平清勤  
嚴肅造里冊絕影射弊巡撫韓文器重之任九年清操  
如一日

汪璽字廷信婺源人弘治初知武昌縣廉威有聲禱旱  
受勤遘疾而卒

李東字元震番禺人弘治中守興國郡縣有豪強十數  
人東得其情首置於法自是奸人罔逞訟亦漸息人稱  
神明郡多逋負東征一緩二輸無愆期且勤於校士修

方志言衆務咸舉

冒政弘治中知武昌府清白自持節用愛民民有冤抑  
者亟爲伸之問閩安堵軍民戴德至今不忘

羅列南海人弘治中知蒲圻縣寬仁慈惠政多循良葺  
學校慎律令平訟獄吏民不忍欺尋徵爲監察御史

李銳安福人弘治中知崇陽縣明斷果決諸廢具興恢  
展城市創造公署修塘堰設法救荒積穀數萬石正德  
四年荒民賴全活者甚衆

董傑字萬英涇縣人弘治初進士疏論經筵事知沔陽  
時大旱蠲租開廩賑乏民荷更生蒞任三月以事去悉  
取賑籍焚焉民攀援泣送者以千計歷官至都御史

張宜字時措華亭人弘治中拜御史調蘄州判官剛明有才斷遇事不避艱險遷知沔陽時荒旱民饑加意賑恤毀淫祠興學校務造就多士卓有古風

沃類定海人弘治元年以御史知荊州府祛弊懲貪聲名大振荆人傳誦迄今不忘

陳宣平陽人弘治初以刑部郎中謫知夷陵屬意風教修學作人崇獎節義黜淫祠殆盡居數年百廢俱興所為詩文隨寓有載陞河南府知府

吳彥華句容人弘治中知荊州府立法嚴明簿書精覈吏民畏懷陞四川參政浙江右布政使

高巖瀘州人弘治中知石首縣溫雅鎮靜不事峻棘有長者風凡百修舉一出至誠而學校尤加之意擢知邳州

鄭蘊中福建閩縣人弘治中任石首縣教諭學邃春秋多所貫串弟子中有所得者輒錄之居八年諸生多所成就一時登科第者甚眾文章德行為人所敬慕云  
華津字濟之無錫人弘治初知松滋縣清靜持已明敏蒞事官至叅政近代稱賢令者必曰趙華云

劉愷字伯和徐州人弘治中知石首縣發擿奸伏興理學校其嚴毅剛重有激揚風擢知蘄州轉福建僉事

楊德修四川長壽人弘治中以舉人授松滋訓導剛正  
 嚴毅課適有方士人憚其嚴正以科目乏人隆冬盛暑  
 試業不輟甲子秋果得二魁考試福建有懷金請托者  
 德修笑曰吾豈擅嘉禾以薦稂莠哉麾之去士論高之  
 黃華歙縣人弘治中知平江縣興利除害以愛民為務  
 任六載百廢俱興童稚亦知稱頌以風憲召官至布政  
 司叅議

王堯封字伯圻定興人弘治末授襄陽府推官操履廉  
 正讞獄詳明尤加意學校誨迪生徒亶亶不倦當官處

沈子孟儀真山人弘治中知東安縣敦實行崇儉素行

愛民興學造士葺壇壝架橋鑿井視如家事歲凶賑撫  
 有方民無流徙

彭琢弘治中授長沙府推官以俸入獄麓書院置田養  
 士清風苦節始終不異卒之日貧不能斂士民慟之

劉遜字時讓安福人弘治中任南道御史擊宦官蔣琮

左遷知武岡州政持大體興學勸士卓有能聲後以事  
 逮詔獄 孝宗親鞫大學士李東陽救免謫四川都事

終按察使

朱裕河南泌陽人弘治中常德府通判性淳直以廉介

自持徵科中撫字之心時時不忘末保土會構訟彌歲弗決當道移檄使理之裕剖析明當吏民嘆服始以賂至峻却之

應龍西安人弘治中知武陵縣敏達有幹局時藩第初建先事經畫有條民不知擾每村創義園積穀備賑闕地以廣學宮任九載民奏留增俸二級仍治縣事

韓宗堯字仁卿番禺人弘治中授郴州學正文學優贍風度清遠遷蒲圻令禱安仁縣廉勤足稱寬從緩賦明令慎法吏民懾服丁丑春從寇破縣帥兵往禦被執不屈以大義諭賊賊不害後以直忤當道棄官去士

鹽人弘治乙丑進士授知沔陽州捐俸

以遷知襄陽府每慕羊叔子杜元凱時登

八風

沈暎字景明仁和人弘治乙丑進士知武昌府通敏有器度有志節毀淫祠修岳武穆廟郡人稱之

陳鳳梧字文明吉安人弘治丙辰進士選翰林院庶吉士授刑部主事轉員外郎擢湖廣提學僉事秉性剛直

不避權勢敷教以寬上心畏愛仕至南京吏部侍郎  
范嵩字邦秀建寧人弘治中任監察御史因論逆瑾媒  
藥謫襄陽府推官行法嚴明立心平恕斷獄多所平反  
政暇則進諸生講說德義造就良多士民至今稱頌  
孟洋字望之信陽人正德中任湖廣按察僉事分巡荆  
南以清介著名遷撫臺議不合杖其掾次日即問舟去  
一時風節望之凜然嘉靖初起督學山東終大理卿  
王廷相字子衡儀封人正德中任湖廣按察使持廉秉  
公貞肅百度卓有風裁僚屬畏服姦猾屏迹仕至兵部

尚書

李金字國聲無錫人正德中累遷都御史巡撫湖廣特  
柳桂之賊蜂起蕩圻嘉魚賊應之上命都御史王守  
仁靖南贛陳金靖南詔而柳桂則屬之金率兵大破之  
湖廣賴以底定終戶部尚書  
朱廷聲字克諧進賢人正德中累官副都御史巡撫湖  
廣器量寬博風紀振肅招撫夷獠安集軍民恩威所及  
無不畏慕  
孟統山東寧陽人由監生初任縣丞歷知縣通判正德  
五年知桂陽耿介清澹敢於有為嘗捐俸增號房修學  
校後夫婦皆疾卒于官僚佐啓其囊篋僅得白金數分

明倫彙編

卷

一

官蹟十四

他無所積官司歎惜士民哀慟于年直聞訃而來官給  
盤費扶襯以歸

楊紳長洲人由舉人正德間任淑浦知縣遇訟立斷皆  
中情理嘗五日一視學課試諸生由是吾伊滿城無間  
朝暮卒之日無以為殮邑人哀之

程瓊字廷用吉安永豐人由國子生正德己巳授知興  
寧縣爲人有膽畧縣故有土城羣盜易而攻之瓊勵士  
卒備守戰之器賊不能犯辛未羣盜又爲呂公車攻城  
七日城中士庶無不泣涕震恐瓊率衆分守且飲笑自

知賊知城中有備遂散去瓊鳩工措材城垣聲以火磚

城上蓋樓城外深池池外列柵柵城中地燥峻不可以  
井瓊慮賊至不能繼乃於後山鑿溝引泉自城北穿渠  
而入官民便之縣治南路抵桂陽西路抵本州界東路  
抵桂東舊皆狹隘瓊開闢如砥尤注意學校門堂解宇  
俱經開拓後構訟去闔縣士人知其寬多思念之

高江字萬里莆田人正德初任湖廣按察使嚴毅自守  
端亮待物卓有威望績譽籍然


張邦奇鄞縣人正德進士賦性耿介立志清苦以翰林  
檢討出爲湖廣提學副使涇養端雅謀猷醇確明禮教  
崇行義勸督有程課試有常以身率士所獎拔者往往

知名數年文體士習不變然未常大聲色而潛移默動  
 有出于督率之外者歷官至禮部尚書謚文定  
 毛伯溫字汝厲吉水人正德中授監察御史按湖廣博  
 大疏明廉介剛方風紀振肅貪污之吏望風遁去所至  
 校諸生策勵之鄉試多稱得人仕至兵部尚書  
 吳轍四川青神人由監生正德間知城步縣時新創縣  
 治修理功劇轍撫循新附苗餘威惠並至以老乞休至  
 今民懷其惠

顧斌華亭人正德中知興寧縣仁慈廉潔專務以德化  
 涉遺愛在人王今稱誦  
 論之為皇明祖訓解示之俗因以變重建蓮花橋

鄧旻靖州衛指揮初守備柳桂正德間寇起州人以旻  
 才勇素著請復來守備賊方驚駭尋與賊遇于雙魚嶺  
 大戰力盡死之

陸邛字秀鄉嘉善人歷武昌常德知府調岳州清介自  
 持政尚大體胥徒不下州縣歲旱躬詣州縣詢民瘼首  
 疏于朝數請發公帑賑濟復給牛種助耕岳儲不支請  
 轉漕長沙每事務以愛民為本尋擢太僕少卿岳民設  
 主祀之至今語及公者無不慨慕先是有論岳守者誤





逮公名公惟待罪不辯前後二領郡怡然安之終都御史

李傅字希說宜賓人正德己未進士壬申知襄陽府流

成劉六劫畧中州滋蔓已及黑龍堰時調土兵五萬餘

繼總制方以為憂傅乃多方區畫日費千金民

以荒歉乃蠲租賑濟重修兩學民苦徃費命

力民甚便之

山東登州人正德中知漢陽府為人清謹

凡有興作錙銖無費于民至于訟獄則

歲時祀之

徐弼漳浦人正德中通判漢陽府不携家累簡默愷悌

事有領畧尤慎操守時大盜往來江上勢甚危迫城且

未築河倚城架木先事防備人得時守城不設犯郡賴

以全活遷官去囊橐蕭然民甚懷之

余貴綿州人正德中知黃州府為政寬緩適宜軍民安

堵學校公署修飭煥然浚井二十餘處民用之者名曰

余公井至今存焉

田崑字景瞻晉江人正德中進士出守

節用愛人均至甲課諸生歲荒食粥濟饑貧  
活甚衆尋乞休去遺愛至今

蔡中孚字信之德清人正德中進士  
知寶慶廉明練達弊絕風清唯

夏玄祁州人正德初知京山才識  
心洵懼玄建議築城規畫廣狹後人

李燁閩縣人以御史言事謫武陵縣丞  
白自守郡有猾賊羣盜附之民訴于官輒以略免燁察

知其情真以法盜遂息武陵路當四達之衝民疲於傳  
天疏請復原轄縣供役以蘇民困上從之

郭郁新鄉人正德初知京山縣剛方有治才庭無留事  
獄無滯囚時歲歉盜起郁拊循有法境內晏然

趙祥南谿人正德五年知長陽縣勤政愛民四境和洽  
百廢具舉士民歌頌

敖翔金堂人初知宜城正德初以才堪治繁調知江陵  
廉以守已勤以蒞事百廢具興而民不告勞郡稱循吏

高山丹徒人正德中知襄陽縣律身嚴毅馭衆慈愛清  
苦恬澹無異韋布士民德之

王顯高字思謙正德中知棗陽縣賦性勁直遇事剛斷

豪強跼踖善良安堵一邑肅然

安邦字維藩確山人正德中知棗陽縣流賊攻城邦率眾甃磚城摧斬元惡保障之功至今傳頌

黃源太閩縣人襄陽府學教授博學多才廉介不苟力疾教人極盡心力嚴立科條令諸生誦習窮日夜不廢一時登進者多出其門

黃金字世重六安人正德初知光化縣幹濟優養長甃磚城修輯邑志其功甚多後移疾去士民至今思之

彭宜安福人知衡陽縣性耿直嚴毅愛民造士有譽者風在任九年清日如一日

李衍金華人正德初知安化縣明敏果斷恩威並行士民畏服時流民因旱為盜衍捕獲正之以法餘黨皆遁境內晏然

王繼先高安人正德中知大冶縣性狷介直質人莫敢干以私常捐俸建學舍數十楹令諸生肄業其中親為啓迪多所成就然以直道不容于時去之日囊無餘貲士民嘆慕

馮宗龍濮州人正德末知應城縣剛方簡重省費恤民多所興革去任之日行李蕭然士民思慕

馬倫西充人知德安府性寬大厚重喜文學政務簡靜

不徠聲譽術術書史間民亦不擾重修郡志雅有治蹟  
士人懷之

張舉字孟賢集城人治進士以戶部郎知岳州府剛  
直廉介鋤強植弱初至岳首毀諸淫祠以巴山廟為公  
署五顯廟為書院慈氏廟為便民倉聽訟一揆諸理即  
豪勢無畏吏胥恐縮一毫不敢橫索于人作諭屬法一  
冊皆便民可未守者岳人咸稱為神明太守焉當道無  
不崇重之未幾以事嫉惡憤憤而卒其子扶喪歸敝廬  
薄田不足以供朝夕郡人思之並祀李公祠歲時瞻拜

馬

丁璣字玉夫丹徒人弘治進士知興國州性廉介公正  
鋤強植弱卓有風裁民有馮栢者怙惡無忌璣懲之以  
法不少貸郡稱神明始蒞任刑罰嚴峻以母命即寬學  
邃于易與諸生講究經史窮日夕不怠值母憂行古喪  
禮悲號哭踊郡人化之歷陞廣東提學副使

牟斌韋璽俱錦衣衛指揮以遴選視事比司正德初逆  
瑾擅權首淮安知府劉祥忤中官瑾怒逮祥下獄使斌  
璽訊之兩人者明祥非罪瑾愈怒矯制謫斌璽沔陽衛  
百戶而祥竟論戍邊兩人單騎就道比至當路甚禮重  
之徙其居省城嘉靖初 詔復其官而斌已先卒璽得

命未幾亦卒兩人皆讀書能文斌純謹簡靜重雅飭稍通融在邸舍中蕭然如儒生士論高之

胡錠字希曾長垣人正德初知黃州府廉明公恕吏民不忍欺時值盜警督兵防守保障有功歲饑設法賑恤死者具棺瘞之盡心民事如理家然古稱循良不是過也

麥成順德人正德中任安鄉典史有勇力嘉靖元年流賊掠昂江口成父子集民兵往禦之其妻固止之成不聽比戰馬蹶賊叢槊刺之猶徒步手刃數人遂遇害子亦死焉

徐南州常熟人正德末知保康嚴明儉約視民如子民不告病尤加意學校作新鼓舞久而不倦任六載不以家累自隋俸給俱置公帑比卒喪歛無措士民憐之

曾槐商城人正德末知上津縣有治才釐決庶務日夕不懈且加意作興士類士習亦變隣邑寇起津城故土築乃甃以磚不五月而城成士民勒石紀之

顧璘字華玉吳縣人弘治丙辰進士出知廣平縣貳年徵授南京驗封主事進稽勲郎中正德庚午陞河南開封府知府時盜起燕薊流劫中原所在緝騷兵部尚書彭澤奉詔領兵兩河間引璘自輔璘為簡閱轉餉畢



南京刑部尚書華致仕璘體貌修偉聲音激越慷慨然  
諾綽有古人風雅具知人明鑒晚任留京平生經濟多  
不究于用竟以文章名世

唐珉字玉和仁和人正德中知興國州廉能公勤庭無  
留事宿弊盡剗歲饑請千金行部以賑民困城久圯均  
丁賦築之後逆濠反恃以無恐六年遷長沙同知百姓  
思之立遺愛碑

趙以敬字克恭正德中知茶陵州清慎有為撫字不倦  
部使督漕賦時值饑饉之後民不聊生敬乃悉官帑所  
藏者貸之民感其德不數月而上納州無遺也負民困亦  
蘇去之日百姓遮道扳號者以千計

戴敏正德初知辰州府凝重端厚作興士類加恤耆老  
剔奸植弱洗冤澤民撤淫祠建書院文章政事一時首  
稱

王永正德初知常德府質樸嚴毅為政務持大體時藩  
封初至侵索百出或至加辱永不為奪大吏慮其終奏  
調知長沙府

馮傑涿州人正德初知常德府蒞政嚴肅臨民平易聽  
訟務以理斷不依回於勢案牘親自裁決不假胥史後  
陸四川兵備副使以拒流賊被害

劉璣字用濟咸寧人正德初知衡州府性寬仁簡重治劇有餘才時封雍藩百務叢集璣應繁以裕不勞民而事集民多賴之立遺愛坊仕至尚書

白思義平定人正德中同知永州府單車至永處已方毅旁郡有滯獄不決者當道委鞫無虛日獄詳明譽望隆籍尋陞宗人府經歷懇求去位詔加四品服致仕吳允禎南海人正德末知永州府愷悌寬仁蒞官清儉興學造士不科擾于民民有弗率者委曲訓諭不事刑罰有長者之風焉

李公信分宜人正德中知東安縣明敏事集民不能欺拓流十餘種穀學校增墾着濟義倉社學多所建置後任襄陽衛經歷粗衣糲飯畧無戚戚質直鋒稜無所回曲民胥懷之

郭時明由監生正德中知武昌縣律身清苦平易近民卒于官貧不能歸士民賻之

劉模如隼人正德十二年以監生知通山縣政尚和易愛惜百姓稱良牧焉

王世祿字子延廣德人由進士正德中令麻城縣平正剛簡視民如傷開新河建縣廳民不知勞以忤上官調去輿論惜之歷官員外郎中



葉仕美閩縣人正德中知蘄州耿介明毅不為時變所  
林見忤公室不少屈流賊入寇軍騎招集守禦城賴以  
全至今稱之

周衝字道通宜興人為人溫良直諒學有淵源正德中  
知應城縣實心任事以道化民立上蔡祠建常平倉百  
務振起尋以疾調任士民惜之

李重字原任應天人正德中知德安府事剛明廉介不  
畏強禦興學校作士氣旌節義抑豪植弱修廢釐弊日  
斤斤務見治紀不屑細務然法令森嚴吏民屏息不敢  
犯乃清操直氣始終不易以抗藩封訟調去歷官按察  
副使一郡守稱顯名奇節者必先之

陳良玉富順人正德中知景陵縣識度深遠操履方濬  
事無易劇審發無不奇中時單騎行田間勸課農桑與  
諸生如家人父子論議日夕不倦一邑翕然稱治修築  
城垣民無勞費

邊章字庭實歷城人弘治丙辰進士正德初以太常寺  
丞出知荊州齊廉靜自守行篤學優事集而民不擾政  
寬而下不欺文章名重當世歷官戶部尚書

蔣瑤歸安人正德中知荊州府公明廉介士民感服聞  
母喪即日就道荊民懷其德立祠祀之歷官工部尚書

逃隆嘉定人正德中知荊州府存心仁恕立政平易在七年民安事集以忤當路免荊民老幼遮道泣送不忍其去後立祠祀之與劉景蔣瑤稱三賢守焉

金琇江都人正德初知保康縣廉介正直吏民不敢犯時歲侵兵擾民將鼠去乃推誠撫安之民始樂業尤加意學校待士以禮文風漸興足為良牧

曹來旬鄭州人正德初知永州府精明幹濟丰采凜然興學校葺公宇俱有規模偶忤當道飄然棄官去

鄭晃正德中長沙通判其母嚴於晃晃亦以清苦自勵如官惟知疏糶窮一毫不敢苟取于人潔白之操

張宣正德中知茶陵州力祛前吏貪習廉靜質直樽節愛養有古君子之風

鄧奇正德初同知辰州府剛果明決吏不敢欺時武族橫暴害人奇真之法餘皆斂跡郡中蕭然

歐陽恂安福人正德末知常德府性鯁介政尚簡易務節省民力特洪水決堤悉心修築民困少蘇捐俸入覲秋毫無所取治行為閩省第一

葉溥龍泉人正德中知廣濟縣洞察民隱以誠心蒞政無赫赫之威而吏不敢欺尤作興學校賓禮布韋有長

者風尋以內召授給事中

葉夢淇崑山人正德中知衡州府廉能公正治民如治家惟玩法怙終者則必不貸尋以疾卒于官貧無斂具僚屬助其喪歸闔郡悲之

黎士翹廣東南海人正德中知遠安縣蒞政清慎臨民平易扶植善類節省財力方銳志振刷積弊偶以病卒未竟其用仁民澤物之政至今猶有存者

李純字在誠莆田人正德中知蘄州警敏有才剖決無滯而清慎律已愷悌愛民卓有樹立豪猾之徒無敢肆逞百姓安堵至今懷之

嘉靖中以監察御史出按州廣時初登

陵設守備太監而廖斌者頗專恣無忌節每事抑之不能堪遂誣劾節嘗騎馬過陵門不下詔逮繫遣以卒于戍所士民冤之

范昕嘉靖中同知承天府嚴明剛介清苦自持忤鎮守太監廖斌誣奏謫戍南海堅貞之節始終如一御史包節稱其居官廉潔應變閑豫人所難及云

李克嗣內江人進士嘉靖初以刑部主事調岳州通判擢知隨州嚴明廉介造士愛民惠政甚著累官都御史仕至兵部尚書

劉魁太和人嘉靖間判寶慶嘗受學王守仁造詣深潛  
臨民豈弟後擢均州守轉工部員外諫停雷壇工與御  
史楊爵同繫人之被釋卒隆慶初詔卹錄贈太常少卿  
張鉞平度人嘉靖戊戌知沅江縣性剛直不避權勢極  
甘清苦時世宗南巡從事顯陵撫臺委領支應宦  
官不得過索本郡夫馬賴以生還人稱鐵漢張榮藩以  
慶賀饋金即日分給寒士以資肄業去之日即食筋破  
釜驗給還民其廉如此

張澤安慶人出監生知沅江縣性廉靜簡易蒞政剛果  
嘉靖丁未嘗道移署武陵事未幾張籍發為  
其日督州駐節湖北川貴供億調度倍從於常而  
應不匱上下異之歷遷雲南僉事偶武定土酋叛澤提  
兵征勦單騎直入遂遇害朝議恤典賜塋祭蔭子入  
國學

林允宗字希曾莆田人嘉靖己丑進士為比部郎詔獻  
粵宗人獄有明允聲遷守衡州二年政尚寬惠愛禮文  
士凡有所為民甚便之民有坐閫殺者獄成允宗察其  
冤抗言釋之征苗調郡兵故事以疲民嘗賊允宗部良  
家子二千人芻糧器械悉備苗平以全軍歸人德之如  
父母

李濂字川父祥符人舉鄉貢第一登進士嘉靖初知馮陽才器閑蕩吏事精敏且以儒學飾之詩文古雅為時稱尚政暇引諸生開閣講論多所啓迪一時士習為之丕振累官山西僉事

王鏐字汝器陝西固原州人歲薦嘉靖十五年知石門縣剛方有體嘗糾南鄉田盡摘諸匿追償北翁豪曹畏服至今稱之

樊景麟新繁人嘉靖初知漢陽府雙介不阿政尚綱紀尤加志節民勤恤備至水鬪城址始詞訟復隸計日借工隱城缺石時與家僅移巨石於署前轉運江岸以身先民以節財費至今稱頌其德

許宗魯字伯誠長安人嘉靖初任湖廣提學僉事剛明峻潔不為權勢所屈博學能詩文論取皆知名士擢山東副使朝議示魯學宜作人復改湖廣提學教人務欲以身表率而痛抑其浮誕奇險之習至于考校黜陟之際一以至公二年召為太僕少卿進僉都御史虜犯畿北復起駐昌平尋免歸

項喬字遷之樂清人按察副使渾樸明斷見事最蚤楚愍王橫暴無忌內外洶洶喬謂僚友曰王將罹禍迺撰勸諭省荒書千言投之仍令曉文義者朝夕講讀盡其

遷徙言甚剴切王不納旋有英耀殺逆之禍一時左右  
導淫勸惡者有司窮治殆無孑遺悉中喬書  
儲洵字子甫泰州人嘉靖初以兵部郎中謫知沔陽時  
郡數荒歛氏力彫察洵專務休息嘗賑饑移粟分給遠  
近征需不急者皆罷以身任勞無所顧忌後流亡盡復  
合郡安堵又奏修堤防言甚剴切至今賴之  
馮震慈谿人嘉靖中拜監察御史巡按湖廣持憲體恤  
刑獄公明正大不為烜赫之政而吏民畏服冢右歛跡  
以名御史稱焉

高叔嗣字子業大梁人嘉靖癸未進士以吏部郎中擢

湖廣按察使剛毅正直政尚寬惠讞獄務得其情且雅  
有蘊籍文章名重當世尋以疾卒于官士論惜之

江以達貴溪人嘉靖中為湖廣提學副使廉介剛方不  
避權貴居楚數年未常立赫赫之威而列郡之士翕然  
向方會 世宗南幸有司悉詣行在城中惟恃以達而  
已楚愍王密賂以達欲奔承天迎鑾以達堅執不從一  
夕詐為市里人潛去守者不之覺以達亦不之察也得  
報已無及矣比還國以他事誣奏以達械繫京逮獄廷  
杖落職楚人寃之

蘇紳考城人嘉靖中知鄖西縣廉恭簡肅清介之守父

而不渝倉庫充盈門堦闐寂修學課士不以勞民拒公使之橫索者遂忤大吏去行李蕭然

周諒永豐人嘉靖中知寧遠縣勤於政事歲大旱徒步祈禱甘雨隨降率鄉兵搗高山巢穴立五營扼其險民賴之江華苗發民苦搔擾仍剿平之患遂息召為監察御史

謝能讓安福人嘉靖初知寧遠縣民自變激以來輒以人命相抵誣能讓一切正之以法不少貸境內盜起分立團保互相援應盜遂竄伏邑賴以寧後以疾辭去士民遮道攀號者以千計

陳祥麟田人嘉靖初知東安縣均田增里拓城遷學政簡刑清人民樂業初至任時即有田州之役措置有方兵戈不擾民賴以安

黃九臯字汝鳴蕭山人嘉靖戊戌進士授工部營繕司主事完九廟大工性耿介斷斷奉法鉅璫請謁不能入銜之坐出貳道州州故元公里也至則挈其學以授諸生所甄拔皆為名流訪元公故居捐金買田贍其後攝符未明視學宮左偏偏壓僧廬因闢為講堂榜曰聚樂之宇暇輒進諸生提二大義以惠政聞

章煥吳縣人嘉靖戊戌進士歷官都御史撫治鄖陽燠

忠信宏厚廉靖方嚴好古力學不屈于權勢蒞襄陽首  
新學校凡殿堂齋廡次第修舉與諸生議論疊疊不倦  
慮樊城古要害地建議築城親自督率視如家事處宜  
城驛馬區畫周悉民情大愜政事文章當時推重數郡  
士民至今稱頌以爲無愧于古人云

喬世寧耀州人嘉靖中任湖廣提學副使勁直明敏才  
思渙發文宗秦漢下筆數千言淵淵不置時楚士文體  
尚拘故習寧一洗而新之士始知時義之妙欣欣然淬  
厲矣屢揭試所舉者皆造就名士楚地曠廣寧四載凡  
四歷日閱二百卷辰試四發故中無停散云

舒春芳 翻陽人嘉靖中任湖廣參議淵良端潔無疾言

遜色所至旌良善導民俗剔姦鋤強民信服之卒于官  
貧不能歛其清苦亦今世所稀云

應橫豸昌人督楚學政端方直蕙果決嚴翼篤志造士  
清行檢杜請謁會僚友無笑容楚愍王召宴不赴餽賂  
不納王恐其妨己也深嫉之無何王被弒外不之覺獨  
書伴官朱恩率楊鏗等踰垣赴武昌守何城泣報死狀  
日曰恩等受主恩當以死報城異以此情白當路而長  
史孫立安受英耀黃金帶鉤既報中風矣橫曰某職司  
風化以子弒父法當正刑况國君乎遂諷都御史車純



湖廣總志  
亟圖申鳴純囁嚅諸司亦沉吟櫛曰如天地神明在上  
何拂衣起純從之走吏速御史伊敏生會奏降旨勘  
鞫恩言不誣始械繫燿入京伏法

劉諸秀關中人嘉靖中任左布政使剛方有治才旬宣  
所及深得民心名聲大振仕至戶部尚書

陸鈇字舉之鄞縣人嘉靖中以翰林編修出補湖廣按  
察僉事分鎮江防廉明幹濟兵民悅服湖寇肅清擢山  
東提學副使

孫溥嘗池人嘉靖中知通山縣以文學飾吏治扶善鋤  
惡遇事敢爲疆禦歛跡上官以不阿抑之遂致仕去邑  
人至今稱之

方仕固始人嘉靖初知常德府勤敏公明善聽斷周知  
民隱故治其均平一卒不下鄉落修堤墻歲旱徒步祈  
禱至誠爲民積穀四萬餘石賑荒仍請蠲租又作新學  
校周贍貧士實政鑿鑿可紀

郭登庸山西人嘉靖中任湖廣提學副使性嚴明剛介  
人不敢干以私先是諸生猥冗庸汰其荒繆者數千人  
士始自重終僉都御史與許宗魯齊名楚人至今竝稱  
之

蕭立業江西人嘉靖中由貢士知咸寧縣廉慎恤民多

所興革而民忘其勞輕徭薄賦更奉法無所容私訪古  
 荒政救民治行第一及補工部主事歷石阡知府至今  
 咸寧稱賢令必曰蕭公云云  
 楊最射洪人嘉靖初知黃州府清介嚴明忠誠直諫人  
 不敢干以私歷官不避權勢臨民平易得為民父母之  
 體存陞太僕寺卿中外倚以為重後以言忤旨廷杖  
 死天下痛之

勞樟崇德人嘉靖中知羅田縣適地方凋敝之後樟身  
 親會計稽賦釐姦新學廟葺石城確然直行已志去之

百姓流泣載道尋立碑識遺愛焉

向臣字希尹長興人嘉靖初以太監評事左遷德安

推官志行清淑問學淵渟為政精明采決盡法律尤嚴  
 懲奸惡即權貴以身直之郡稱平允尤雅意風化興學  
 獎義進諸生論伊洛之緒士風興起舊俗丕變

鄭禧縉雲人嘉靖中德安府通判慷慨重名節決民事  
 折諸大義不問毛瑣然善摘奸伏無死文汚俗者寘之法  
 不少貸自御素約遇大吏不解阿承雖見謫不為動言  
 論侃侃希古行義老而不衰後陞知州致仕去

李逢字邦吉豐城人嘉靖中任給事中車駕南巡諫止  
 之詔下獄謫典史起為德安同知尋陞本府知府明毅

有大志不屑屑故常挈綱維重化黷吏黠民務實之法遇賢士每折節下之提身清而境內凜然踰年以病卒卒時居外舍無慘容士民哀之

徐貢元字元獻繁昌人嘉靖進士知德安府清潔剛方平恕精密不受請託不畏強暴勸勉孝弟撫輯流移辨理冤抑處親藩不擾弭羣盜脩梁河堤建置學宇百務具興郡人請入名宦祠祀之

李士翺字如翰長山人由進士嘉靖中知荊州府性清介政多平恕斷獄明允不詭隨希寵調知承天時慈言南村供應浩繁窮區畫有去民不為擾歲饑多方賑恤民駢死疫癘捐俸營地塋之比遷秩行李蕭然士民感仰歷官至戶部尚書

吳昂字德翼海鹽人嘉靖初知宜城縣廉介自持邑民領種官莊者一百畝收三分謂之老畝量出加租昂調得其法萬姓稱便去時父老流涕攀留建祠立石歲時祀之

王湜寧州人嘉靖初知上津縣檢身清苦臨民愷恻作興善類值流寇犯境詔大兵征討屯津者數萬湜餽餉有方民不為擾

吳元裕南海人嘉靖中知東安縣有清操政尚簡易修

儒學社學崇節孝輕徭役聽訟務以理義動其良心民多愧服去後百姓建生祠祀之

張岳字惟喬惠安人博學好古沉毅有大畧嘉靖庚戌為都御史奉命征苗三省寧謐設立麻陽一十三哨永固邊防苗平卒於沅士民至今思之後蒙恩卹謚果惠

陳束字約之鄞縣人嘉靖中以翰林編修出為湖廣按察僉事性亢潔恬於勢利蒞政廉靖公明吏民咸畏慕讀書能文章知名當世擢河南提學副使

士英字廷延南元人正德進士嘉靖初以南京戶部郎中遷知岳州府溫雅有度政尚明恕重創郡堂修葺諸廢墜咸不擾于民後官至戶部尚書

周延吉水人進士嘉靖初知潛江縣清介剛毅言笑不苟人不敢干以私好善恢惡出于天性政令所布吏畏民懷後徵入為給事中言事外謫歷官左都御史當分宜執政時掌院如秋霜烈日風紀肅然

王忬字民應嘉靖辛丑進士除行人拜監察御史為人峻爽廉察多讀書尤精於法比戊申出按湖廣所至擒治賊墨無算然嚴而不苛吏民畏而愛之己酉監臨鄉試是科得士吳國倫錢鎔等多知名當世後按畿輔值

虜犯關 上知忤材可當緩急特 旨擢僉都御史轉

餉通州虜退移撫山東尋總督浙福禦倭有功調總督

薊鎮晉右都御史兼兵部侍郎

蕭廷達嘉靖初知潛江縣剛介清苦人所難及修學校

建倉儲江漢水溢齧學宮障以石督民築堤防邑賴以

全厥功甚偉

易貞元字正之桂林人嘉靖己酉自崇陽縣令調平江

縣清介自持遇事不苟尤恤孤弱禁疆禦暇日延諸生

論道談文當道交章薦之擢南京江寧縣令報至公率

囊無餘貲棺斂皆出於士民遐邇哀慟城中為之罷市

雖崇之士民多匍匐至平江吊泣云

朱鴻漸吳縣人嘉靖進士為人精敏強直干法無所撓

嘗知廣信府時貴溪方執政以不阿已風吏部調柳州

貴溪敗始陞山東按察副使兵備天津加意清理傳貴

貴豪過者不敢多索一夫一馬後陞叅政歷湖廣按察

使風裁凜然鋤強汰墨民吏畏懷之仕終廣東左布政

使

李憲卿字廉甫崑山人嘉靖戊戌進士選南萊吏部驗

封司主事歷郎中陞江西布政司左叅議江右田土不

相懸而稅入多寡殊絕憲卿承巡撫檄為法均派折衷

最爲簡易已陞山東按察司副使兵備臨清會施尚詔  
 反河南至五河兵敗散獨與數騎走冠縣擒獲之既寧  
 李尚書默自吏部罷還沿途有司供帳頗懈比至臨清  
 獨勞送禮有加李尚書深喜過望逾年會召還即日薦  
 陞湖廣叅政未幾陞河南按察使甫四月擢右僉都御  
 史巡撫湖廣奏水災乞蠲貸親行鄂渚雲夢間拊循其  
 民東南用兵禦日本軍府檄至調保靖容美桑植麻寮  
 鎮溪大刺土兵征剿所過半廩無缺憲卿因奏土司各  
 有分守兵不可多調且徒煩供餉無益其後土兵悉召  
 歸不復調是時奉天殿災勅命大臣開府江陵總督

湖廣川貴採辦大木工部侍郎劉伯躡以憂去 上封

旨陞憲卿左副都御史代其任先是 天子稽古制建  
 九廟而西苑神仙長年之殿及珍臺閒館歲有興造頗  
 竭蜀荆之材至是近水無復峻幹乃行巴庸夔道轉荆  
 岳至東南川往來督責鈎之荒裔中於是萬山之木稍  
 出然帝室紫宮舊制瓌瑋於永樂金柱圍長終不能合  
 憲卿言臣督率郎中張恩珍李佑副使張正和盧孝  
 達各該守巡叅政游震得副使周鎬僉事于錦先後深  
 入永順卯桐攬梭江叅政徐需僉事崔都入容美副使  
 黃宗器入施州金崗叅政靳學顏入永寧迤東蘭州儒

溪副使劉斯潔入黎州王全建昌重策入烏蒙叅議繆文龍入播州貞州酉陽僉事吳似禮入永寧迤西落洪班鳩并鎮雄程嗣功入龍州叅政張定入銅仁省溪叅議王重光入赤水猴崗僉事顧柄入思南潮底汪集入永寧順崖而湖廣巡撫右僉都御史趙炳然巡按御史吳百朋各先後親歷荆岳辰常四川巡撫右副都御史黃光昇歷叙馬重夔巡按御史郭民敬歷邛雅貴州巡撫右副都御史高狎歷思石鎮黎巡按御史朱賢歷永寧赤水臣自趨涪州六月上瀘叙至守督會處而巨計所生必於深林窮壑漢四絕菁人跡不到之地經數百

年而後至合抱又鮮不空灌昔尚書水禮及近時高

樊繼祖侍郎潘鑑採得逾尋丈者數株而已今三省

採者視前亦已超絕第所派長巨非帶圍圓難合臣奉

命初恐按索未備今則深入窮按知不可得而先年營

建亦必別有所處伏望勅下該部計議量才取用庶

臣等得專心採辦而大工早集矣上允其奏命求其

次者其後木亦益出自江淮至於京師籩筏相接而

天子猶以皇祖時殿災後十年始成今未六七載欲

待得巨材故殿建猶未有期乃西工亟興漕下之木多

取以爲用三省之民暴露三年無有休息期大臣以爲

言天子亦自憐之手諭大臣曰殿材果難須設子孫能守即幸亦可久于是將作大匠頗能規前廖附稱上意而見材度已足用憲卿懇乞興工罷採以休荆蜀民使者相望於道詞旨甚哀而工部大臣力任其事天子從之遂考卡興工其後漕數比完所下多有奇美凡得木一萬一千二百八十章憲卿上最推功於三巡撫下至小官莫不錄其勞今不載獨載其所奏兩司涉歷採取之地曰四川守巡督儒溪之木播州之木建昌天全之木鎮雄烏蒙之木龍州蘭州之木湖廣督谷美之木施州之木永順邵崗之木靖州之木及督行湖南

木於九嶷荆南購木於

州武昌漢陽黃州

木於施州永順貴州則於赤水猴崗思南潮底永寧順崖其南出雲南金沙江云八抵荆楚雖廣山木少採且險遠必俟雨水而出而施州石坡亂灘迂迴千里貴陽窮險山嶺深峭由川辰大河以達城陵磯蜀山懸隔千里排巖批谷灘急漩險經時歷月始達會河而吏民冒犯瘴毒林木蒙籠與虺蛇虎豹錯行萬人邪許摧斃崩碎鳥獸哀鳴震天跋地蓋出入百蠻之中窮南紀之地其艱如此故附著之俾後有考焉昔稱雍州南山檀栢而天水隴西多材木故蓋臺阿房建章朝陽之作皆因



其所有金源氏嘗注新宮採青峰山巨木猶以為漢唐之所不能致憲卿乃復之山童木道之時發天地之藏助成國家億萬年之丕圖其勤至矣是歲辛酉冬徵還內臺明年大計天下官邑而病作請告病益侵乞還鄉天子許之至東平卒憲卿為人美姿容談論有章自少衣服鮮好及貴益稱其志至京師分宜迎謂之曰公不獨才望逾人即丰采亦足羽儀朝端矣所居官廉潔不苟故採督三年地窮邊裔而民夷不驚以是為難蔡汝楠字子木德清人嘉靖壬辰進士年未三十以刑部出守衡州性清介嫉惡如仇尤加意學校開石鼓書院日進諸生講課多所造就政稱公平善良受庇工律詩極類中唐人語後歷官至都御史

周美字濟叔崑山人嘉靖甲辰進士授江西進賢知縣入為刑部郎擢湖廣下江防兵備僉事為人沉毅縝密平居不妄言咲尤精於法比所駐蘄州為洞庭彭蠡之交盜藪也白晝艇而東西以剽掠商民財捷於箭激莫敢誰何美至立團操之法作戰艘令材官日遊巡江上所獲真盜獄成即日殪之不少稽留盜由是相戒不敢闖境江洋晏然御下嚴峻雖親故為屬僚不少貸顏色故精舉子業政暇則以教授蘄諸生已多成就其取與

有辯皜然不可滓去任之日即斬產栢箠蛇龜之類一  
無所携後陞四川叅議副使以事忤御史因誣論其受  
贓狀吏部尚書某者為美鄉人又同年也雅知美廉吏  
而難御史言竟以遠嫌故覆致仕去比歸自以平生堅  
忍一旦為人玷缺憤恚不勝遂發狂疾卒卒之後僅三  
數年其子不能存活飄泊至蘄蘄人憐之以告僉事戢  
汝止戢歎曰此豈清白吏之左驗乎為婚于蘄家焉今  
補州博士弟子員楚人比之朱邑桐鄉故事  
唐繼祿字子廉上海人嘉靖癸丑進士初授浙江遂安  
知縣有異政不拜監察御史出按湖廣雅以風稜自持

即郡守庚調後不行燕見之禮  
性英敏過記而又長身嶽立嘗也兩司錄囚囚籍一覽  
輒了然間掩籍漫舉一二獄情地兩司兩司倉卒或不  
能對以是愈益嚴憚之若神君然楚中以里甲為累歲  
里長一應卯百需攢蹙之吏胥緣以為奸利動至傾產  
繼祿為覈縣官一歲所需若干為欵金有差貯之官量  
入為出令里長毋得復應卯因者為畫一之法楚人至  
今便之行部荊州會興山盜起穴高鷄寨擊礦行劫衆  
至三千人而縣官利賊礦砂之入因匿不以聞郡守徐  
學謨上狀繼祿即日下雕  
令守言大侵後兵倉俱

誣未可輕動且寒峻難于仰  
以不如檄降之便繼祿默  
然良久曰吾策之矣擒賊盜  
元擒王乎乃縛縣官來囚  
之郡獄而陰遣沙市巡檢  
趙應奎坦步詣高鷄寨諭以  
朝廷威福宜早自解散不  
爾汝肉賊下寨羅拜巡檢  
泣曰吾等為饑寒所迫故  
官復餌我謂上人未之知也  
今日之命懸于巡檢願巡  
檢活之趙應奎馳歸以賊語  
報繼祿繼祿領之急檄郡  
鈐符票三千如賊之數復遣  
趙應奎詣寨人給一符待  
以不死姑斥之還籍有符者  
盜兵毋得擅殺報功月餘  
賊黨散盡高鷄寨平是役也  
不煩地方一金而歸夷教

二里間按堵如以以後推大理寺寺丞晉少卿

汪僉都御史晉也鹽副都御史俱在任不久以疾告歸

卒於家年五十一繼祿為人自少嚴整介潔生數歲而

孤事寡母以孝聞立朝幾二十年門生故吏有所饋

遺無論公私一切謝却居家庭嚴如官府絕無燕蕪之

容即僮僕不敢仰視在告時親朋亦罕覩其面繼祿故

無子卒時生子方一歲人以為有天道云

昌應會莆田人嘉靖中知漢川縣縣當漢江下流土田

歲被浚沒民三聊生昌會極意拊循輕徭緩賦嘗夜有

盜劫民舍應會聞之即馳而逐盜盜截其兩耳去已得

盜盡殺之時

景王出封安陸奏請在田顯及漢川中

瑞暴橫倍索

昌會故持之中瑞怒昌強須奏連繫按察

司獄者累月

當道承景府意竟坐調他邑民思之為

立祠生祀于漢江上

陸州字汝行

海寧人嘉靖甲辰進士為人貌侵弱不能

勝衣至遇重

剛斷敢為即賞育不可奪嘗以南昌校官

典湖廣鄉試

故事校官處簾內乃品題之權御史多屬

之簾外州既

默然不自得比定解額諸校官與御史俱

坐至公堂

州偶抽中式二人卷閱之頗訛謬州起袖

衣懷之以

御史御史不能對即為轉易二卷可交

德懷咸服其持正已遷刑部郎出守常德會鼎建

三

殿湖北木運孔棘部木使某者頗乘勢為奸利民間騷

然州至為調停差撥以陰折其非一時屬路賴以按堵

先是榮藩嘗請鄆西濱江地租而併稅鱸筏之泊埠

者久之中官愈益橫索或闌及經行鱸筏商人苦之州

廉知非例下令禁治之中官惴惴憚州自是相戒斂跡

郡受沅靖五溪諸水故築土堤扞之春夏水暴土蝕則

兩崖之間不辨牛馬州請易土以石募民賞蠲帑金為

長堤百五十步高四仞廣半之滂至始不為災縣官以

賦則淆混徵斂無藝良民或倍輸之稅乃強黠者終身

負責漫不裁省州戒民毋入城納稅第置循環二籍鈐發里甲歲令沿戶按額取之而納戶得以所納期限稅目自註於籍月終更互考成之完負悉有稽覈公賦大辦常俗不甘爲商歲亡論豐歉穀一入壘圖留商金以償官逋不且賤售富家因而爭時趨利故左右數從吏縣官願留穀防饑便毋令販而出境也州嘆曰此豈爲居積家地乎民無金無賦無商無金奈何坐自窘束耶遂下令曰敢有以逼糴爲言者置諸法自是商民得通易有無驩然稱便州治郡三年不爲烜赫可異之政惟務約已愛民他如均傳費獎士類賑賑恤每事必爲之區畫期於奉法循理而已後以考績行尋擢九江兵備副使民生祀州于城北又三年丁內艱卒於家計閭閻中父老率子弟朝夕慟哭祠下如喪考妣云

楊豫孫字幼毅華亭人爲人絕穎慧彊記博極羣書性端嚴沉毅明于理學即私居無燕褻之容與人交傾肺肅相示而尤好稱引善類年十七舉應天丁酉鄉試登丁未進士釋褐南京吏部考功司主事陞禮部祠祭司員外郎郎中陞福建監雷道副使改湖廣提督學校副使能正己率人望之儼然諸生自考校外不輕交一語尋陞河南參政召入爲太僕寺少卿未幾改太常寺少

卿提督四夷館時華亭公當國引豫孫自輔凡海內人物與國家典章悉諮而後行由是士大夫欲求知華亭公者日輻輳其門豫孫遜謝之終不能遣乃力求出遂擢僉都御史巡撫湖廣豫孫練達政務諳識人情案牘剖決如流日坐鎮雅俗而已接下官勤款有禮吏犯小過輒以好言勸諭之不欲爲束濕毛鷲之令人皆愛而憚之踰年地方稱無事以病卒官遺命家人無受賄賻以免我平生其後上下諸司有所饋遺悉却不受其守已峻潔至死不逾如此所著有經史譜遺二卷成史若干卷文集若干卷

嘉靖甲辰進士授司空尚書郎嘗權

州多患商之政已出知嘉興府時倭夷犯浙西兵部尚書張經提兵壓境慤爲調度糧餉民不勞而事辦比趙文華以上部尚書視師海上暴橫索賂少不如意陷以大辟慤終無以應之第相見不激不阿而已文華卒不能害後轉兩司荐陞太僕寺卿擢僉都御史巡撫湖廣慤約已勤職每日詳駁案牘常至夜分喜諸司陳說利害凡建白當事情者即付之施行常潘竹崗河以殺漢水之勢沿江郡縣至今賴以播植先是解中鬼物畫出侮人前撫公多不利去或勸慤改爲慤以財詘重費訖

不以介意施州土官覃壁劫印烝嫂將謀為不軌愆上其逆狀討之自駐荊州而遣守巡官督諸將分道入勦又親書方略日致營中令諸將奉以行事攻圍半歲曹壁力屈自詣轅門伏辜比罷兵還省陞大理寺卿尋轉南京工部侍郎然竟以兵事積疲遘疾行至潯陽道中卒

阮文中字用和南昌人嘉靖癸丑進士以南京兵部郎中擢湖廣按察副使兵備辰沅居官雅持大體廉潔無私與民興利歷僉都御史巡撫貴陽有征苗功晉副都

御史巡撫湖廣卒官

陳濬字子兼吳縣人嘉靖戊戌進士為人恬雅簡靖不受衣冠束縛耽佳山水遠

悉屏南羨去之日曩蒙爵公歷四川督學僉事甚得士

心擢河南副使以相見御史不作傴僂狀御史惡其拓

洛慢已劾罷之隆慶初起官仕至四川右布政使引疾

歸年七十卒其書法與祝京兆允明文待詔徵明允後

各成一家傳十世

周如斗字允文餘姚人嘉靖丁未進士為人廉察用法無憚貴勢而意度明豁能嚴而不苛始釋褐貴溪今有神明稱召入為監察御史即首論崇節儉革奢僉事

上嘉納之尋出按湖廣清刷戎籍至則痛沿襲詭影之弊難於湧滌先陳四事復著便宜五十餘條爲釐革較正之要民不擾而戎伍充集比復命更疏請移置防夷官員及撤回番戍皆有裨於兵防至今賴之已按蘇松會倭人入寇三吳騷動如斗先疏蠲常稅十分之五然後整飭緩攘大計旣得請民懽聲動地士氣倍奮遂有青陽石湖婁門平望寶山木櫛紛湖之捷事竣將還朝百姓叩闕願借周御史一年上允之如斗益以平寇安民爲已任與浙江督撫會兵夾攻賊首徐海麻葉陳東等悉平之地方以寧改南畿督學存陞僉都御史巡撫江南如斗先海洋稍息警即奏免調客兵于是其共餉三分之一併停征織造等費民以此愈益戴德之陞副都御史調撫江西始創條鞭法業已行而疾作卒官士民哀慟肖象立祠祀之如江南云

論曰昔者嘗讀杜征南傳至沉碑漢水事可異焉夫征南晉之毗也功著襄樊唐邵間卓矣弗諼在民奚自碑而自沉之耶及觀羊叔子登峴山與從事鄒湛語嘆此山常在而登者之名磨滅不可勝紀則泫然悲之嗟乎

繁發惜緯烈士狗名三代而下茲意可少乎哉願令自碑而自沉之陳思有言曰後世有誰相知者當其時載



筆之難其人可知也故予於楚之宦蹟三復致意焉蓋  
自鬻熊開國迄今無慮數千載甘棠尚矣其間建利除  
害民是務曠若杜羊輩者宜比迹於是而僅僅希濶指  
不多屈者則記籍脫誤所從來也間徵牒於郡國乃近  
來者或存或不存或存而不實或無實而存即耳目所  
覩記已無稽之甚宦楚者安得人人自碑而自沉之耶  
副在之責烏可忽諸是用廣詢覆核存其可知者而闕  
其不可知者要本于太史氏奉法循理之指令民無遺  
訾焉則書之不書者反是大都以吏繩民民聽于吏以  
民徵吏吏聽于民聽吏者有時而聽民者將與世無窮  
也善惡之鑒不其嚴乎



湖廣總志卷第九終

